



INSTITUTE OF ANCIENT
NEAR EASTERN STUDIES
Charles University
Prague

መጽሐፈ:ሄኖክ::

The Book of Enoch

Book II
The Book of Parables

Electronic edition of Ethiopic text
prepared by Michal Jerabek

THIS TEXT CANNOT BE SOLD UNDER ANY CIRCUMSTANCES.

Library of Ethiopian Texts, <http://anes235-1.ff.cuni.cz>, Prague

© Michal Jerabek, Prague 1995

Copyright Notice:

1995 Library of Ethiopian Texts, created and maintained by Michal Jerabek, Prague. Permission to use, copy, and distribute this text, for any NONCOMMERCIAL purpose is hereby granted without fee, provided that the copyright notice and this permission notice appear in all copies of this text. This text cannot be sold under any circumstances.

Preface:

This e-text is based on: A.Dillmann's *Liber Henoch aethiopice, ad quinque codicum fidem editus cum variis lectionibus*, Leipzig, 1851.

Please, report any error in Ethiopic text to
michal.jerabek@ff.cuni.cz.

Leave you e-mail address and you will be prompted after the corrections are made so that you can upload corrected version.

Comments are welcome.

ምዕራፍ፡፮፡፡

ክፍል፡፴፯፡፡

ራእይ፡ዘርእየ፡ካልእ፡ራእየ፡ጥበብ፡ዘርእየ፡ሄኖክ፡ወልደ፡ያሬድ፡ወልደ፡መላልኤል፡
 ወልደ፡ቃይናን፡ወልደ፡ሄኖስ፡ወልደ፡ሴት፡ወልደ፡አዳም፡፡
 ወዘርእሱ፡ለነገረ፡ጥበብ፡ዘአንሣእኩ፡እትናገር፡ወእብል፡ለእለ፡የኅድሩ፡ዲብ፡የብስ፡
 ስምዑ፡ቀደምት፡ወርእዩ፡ደኃርያን፡ነገረ፡ቅዱሳ፡እለ፡እነግር፡ቅድመ፡እግዚአ፡
 መናፍስት፡፡
 እሉ፡ቀዳሚ፡ይኅይስ፡ብሂል፡ወደኃርያንሂ፡ኢንከልእ፡ርእሳ፡ለጥበብ፡፡
 እስከ፡ይእዜ፡ኢተውህባሂ፡እምቅድመ፡እግዚአ፡መናፍስት፡ዘነሣእኩ፡ጥበብ፡ባከመ፡
 ሀለይኩ፡ባከመ፡ፈቀደ፡እግዚአ፡መናፍስት፡ዘተውህባሂ፡እምኔሁ፡ክፍለ፡ሕይወት፡
 ዘለዓለም፡፡
 ወኮኑ፡ብየ፡፫እሳሌ፡ወአነ፡አንሣእኩ፡እንዘ፡እብሎሙ፡ለእለ፡የኅድሩ፡የብስ፡፡

ምዕራፍ፡፮፡፡

ክፍል፡፴፰፡፡

ምሳሌ፡ቀዳሚ፡ሰባ፡ያስተርኢ፡ማኅበረ፡ጳድቃን፡ወይትኪነኑ፡ኃጥኣን፡ቡጣጢአቶሙ፡
 ወእምገጸ፡የብስ፡ይትሀወኩ፡፡
 ወሰባ፡ያስተርኢ፡ጳድቅ፡ባገጸሙ፡ለጳድቃን፡እለ፡ኅሩያን፡ተግባሮሙ፡ስቁል፡ባእግዚአ፡
 መናፍስት፡ወያስተርኢ፡ብርሃን፡ለጳድቃን፡ወለኅሩያን፡እለ፡የኅድሩ፡ዲብ፡የብስ፡
 አይቴ፡ማኅደረ፡ኃጥኣን፡ወአይቴ፡እዕራፎሙ፡ለእለ፡ክህድዎ፡ለእግዚአ፡መናፍስት፡
 እምኅየሶሙ፡ሰባ፡ኢተወልዱ፡፡
 ወሰባ፡ይትከሠታ፡ኅቡኣቲሆሙ፡ለጳድቃን፡ይትኪነኑ፡ኃጥኣን፡ወይትሀወኩ፡ረሲዓን፡
 እምገጸ፡ጳድቃን፡ወኅሩያን፡፡
 ወእምይእዜ፡ኢይከውኑ፡አዚዛነ፡ወኢልዑላነ፡እለ፡ይእኅዝዎ፡ለምድር፡ወኢይክሉ፡
 ርእየ፡ገጸ፡ቅዱሳን፡እስመ፡ለእግዚአ፡መናፍስት፡ተርእየ፡ብርሃኑ፡ለገጸ፡ቅዱሳን፡
 ወጳድቃን፡ወኅሩያን፡፡
 ወነገሥት፡አዚዛነ፡ባውእቱ፡ጊዜ፡ይትኃገሎ፡ወይትወሀቡ፡ውስተ፡እደ፡ጳድቃን፡
 ወቅዱሳን፡፡
 ወእምህየ፡አልቦ፡ዘያስተምህር፡ኅባ፡እግዚአ፡መናፍስት፡እስመ፡ተወድኦ፡እንቲአሆሙ፡
 ሕይወት፡፡

ክፍል፡፴፱፡፡

ወይከውን፡ባዝንቱ፡መዋዕል፡ይወርዱ፡ደቂቅ፡ኅሩያን፡ወቅዱሳን፡እምልዑላን፡
 ሰማያት፡ወ፩ ይከውን፡ዘርኦሙ፡እስለ፡ውሉደ፡ሰብእ፡፡
 ባውእቱ፡መዋዕል፡ኅሥእ፡ሄኖክ፡መጻሕፍተ፡ቅንዐት፡ወመዐት፡ወመጻሕፍተ፡ጉጉዓ፡
 ወሀውክ፡ወምሕረት፡ኢይከውን፡ላዕሌሆሙ፡ይቤ፡እግዚአ፡መናፍስት፡፡
 ወባውእቱ፡ጊዜ፡መሠጠኒ፡ደመና፡ወዐውሎ፡ኅፋስ፡እምገጸ፡ለምድር፡ወአንበረኒ፡
 ውስተ፡ጽንፈ፡ሰማያት፡፡
 ወባህየ፡ርኢኩ፡ራእየ፡ካልእ፡ማኅደሪሆሙ፡ለጳድቃን፡ወምስካባቲሆሙ፡ለቅዱሳን፡፡
 ባህየ፡ርእያ፡አዕይንትየ፡ማኅደሪሆሙ፡እስለ፡መላእክት፡ወምስካባቲሆሙ፡እስለ፡
 ቅዱሳን፡ወይስእሉ፡ወያስተባቅዑ፡ወይጼልዩ፡ባእንተ፡ውሉደ፡ሰብእ፡ወጽድቅ፡
 ከመ፡ማይ፡ይውሕዝ፡ባቅድሜሆሙ፡ወምሕረት፡ከመ፡ጠል፡ውስተ፡እድር፡ከመዝ፡
 ውእቱ፡ማእከሎሙ፡ለዓለመ፡ዓለም፡፡
 ወባውእቱ፡መዋዕል፡ርእያ፡አዕይንትየ፡መካነ፡ኅሩያን፡ዘጽድቅ፡ወዘሃይማኖት፡
 ወጽድቅ፡ይከውን፡ባመዋዕሊሆሙ፡ወጳድቃን፡ወኅሩያን፡ኅላልቀሁ፡አልቦሙ፡
 ቅድሜሁ፡ለዓለመ፡ዓለም፡፡

ወርኢኩ፡ ማኅደሪሆሙ፡ መትሕተ፡ አክናፈ፡ እግዚአ፡ መናፍስት፡ ወኩሎሙ፡ ጸድቃን፡
ወኅሩያን፡ በቅድሜሁ፡ ይትለሐዩ፡ ከመ፡ ብርሃን፡ እሳት፡ ወአፉሆሙ፡ ይመልእ፡ በረከተ፡
ወከናፍሪሆሙ፡ ይሴብሐሉ፡ ስሞ፡ ለእግዚአ፡ መናፍስት፡ ወጽድቅ፡ ቅድሜሁ፡

ኢሆኅልቅ።
ሆሆ፡ ፈቀድኩ፡ እኅድር፡ ወፈተወቶ፡ ነፍስየ፡ ለውእቱ፡ ማኅደር፡ በሆሆ፡ ኮነ፡ ክፍልየ፡
ቅድመ፡ እስመ፡ ከመዝ፡ ጸንዐ፡ በእንቲአየ፡ በቅድመ፡ እግዚአ፡ መናፍስት።
ወበውእቶን፡ መዋዕል፡ ሰባሕኩ፡ ወአልዓልኩ፡ ስሞ፡ ለእግዚአ፡ መናፍስት፡ በረከተ፡
ወስብሐተ፡ እስመ፡ ውእቱ፡ አጽንዐኒ፡ በበረከት፡ ወስብሐት፡ በከመ፡ ፈቃዱ፡ ለእግዚአ፡
መናፍስት።
ወጉንዱየ፡ ርእያ፡ አዕይንትየ፡ በውእቱ፡ መካን፡ ወባረክዎ፡ እንዘ፡ እብል፡ ቡሩክ፡
ውእቱ፡ ወይትባረክ፡ እምቅድም፡ ወእስከ፡ ለዓለም።
ወበቅድሜሁ፡ አቦ፡ ማኅለቅት፡ ውእቱ፡ ያአምር፡ ዘእንበለ፡ ይትፈጠር፡ ዓለም፡ እንት፡
ውእቱ፡ ዓለም፡ ወለትውልደ፡ ትውልድ፡ ዘይከውን።
ይባርኩከ፡ እለ፡ ኢይነውሙ፡ ወይቀውሙ፡ በቅድመ፡ ስብሐቲከ፡ ወይባርኩከ፡
ወይሴብሐሉ፡ ወያሌዕሉ፡ እንዘ፡ ይብሉ፡ ቅዱስ፡ ቅዱስ፡ ቅዱስ፡ እግዚአ፡ መናፍስት፡
ይመልእ፡ እድረ፡ መንፈሳት።
ወበሆሆ፡ ርእያ፡ አዕይንትየ፡ ኩሎ፡ እለ፡ ኢይነውሙ፡ ይቀውሙ፡ ቅድሜሁ፡ ወይባርኩ፡
ወይብሉ፡ ቡሩክ፡ አንተ፡ ወቡሩክ፡ ስሙ፡ ለእግዚእ፡ ለዓለመ፡ ዓለም።
ወተወለጠ፡ ገጽየ፡ እስከ፡ ስእንኩ፡ ነጽሮ።

ክፍል፡ ፵።

ወርኢኩ፡ እምድኅረዝ፡ አእላፈ፡ አእላፍት፡ ወትእልፊተ፡ ትእልፊት፡ ወአልቦሙ፡
ኅልቀሁ፡ ወሐሳብ፡ እለ፡ ይቀውሙ፡ ቅድመ፡ ስብሐተ፡ እግዚአ፡ መናፍስት።
ርኢኩ፡ ወበ፬ ክነፊሁ፡ ለእግዚአ፡ መናፍስት፡ ርኢኢኩ፡ ፬ ገጽ፡ ካልአ፡ እምለ፡ ይቀውሙ፡
ወአስማቲሆሙ፡ አእመርኩ፡ ዘአይድዐኒ፡ አስማቲሆሙ፡ መልአክ፡ ዘመጽአ፡ እሰሌየ፡
ወኩሎ፡ ኅቡአተ፡ አርአየኒ።
ወሰማዕኩ፡ ቃሎሙ፡ ለእልኩ፡ ፬ ገጽ፡ እንዘ፡ ይሴብሐሉ፡ ቅድመ፡ እግዚአ፡ ስብሐት።
ቃል፡ ቀዳማዊ፡ ይባርኩ፡ ለእግዚአ፡ መናፍስት፡ ለዓለመ፡ ዓለም።
ወቃለ፡ ካልአ፡ ሰማዕኩ፡ እንዘ፡ ይባርኩ፡ ለኅሩይ፡ ወለኅሩያን፡ እለ፡ ስቃላን፡ በእግዚአ፡
መናፍስት።
ወሣልሰ፡ ቃለ፡ ሰማዕኩ፡ እንዘ፡ ይሰእሉ፡ ወይጼልዩ፡ በእንተ፡ እለ፡ የኅድሩ፡ ውስተ፡ የብስ፡
ወያስተበቀሁ፡ በስሙ፡ ለእግዚአ፡ መናፍስት።
ወቃለ፡ ራብዐ፡ ሰማዕኩ፡ እንዘ፡ ይሰድዶሙ፡ ለሰይጣናት፡ ወኢሆኅድኅሙ፡ ይባኡ፡ ኅብ፡
እግዚአ፡ መናፍስት፡ ከመ፡ ያስተዋድደዎሙ፡ ለእለ፡ የኅድሩ፡ ዲቦ፡ የብስ።
ወእምድኅረዝ፡ ተስእልክዎ፡ ለመልአክ፡ ሰላም፡ ዘየሐውር፡ እሰሌየ፡ ዘውእቱ፡ አርአየኒ፡
ኩሎ፡ ዘኅቡእ፡ ወእሴሎ፡ መኑ፡ ውእቶሙ፡ እሉ፡ ፬ ገጽ፡ ዘርኢኩ፡ ወእለ፡ ሰማዕኩ፡
ቃሎሙ፡ ወጸሐፍክዎሙ።
ወይሴለኒ፡ ዝቀዳማዊ፡ ውእቱ፡ መሐሪ፡ ወርኅቀ፡ መዓት፡ ቅዱስ፡ ማኅኤል፤ ወካልእ፡
ዘዲቦ፡ ኩሎ፡ ሕማም፡ ወዲቦ፡ ኩሎ፡ ቀሁል፡ ዘውሉደ፡ ሰብእ፡ ውእቱ፡ ሩፋኤል፤
ወሣልሰ፡ ዘዲቦ፡ ኩሎ፡ ኃይል፡ ውእቱ፡ ቅዱስ፡ ገብርኤል፤ ወራብዕ፡ ዘዲቦ፡ ንሴ፡
ወለተስፋ፡ እለ፡ ይወርሱ፡ ሕይወተ፡ ዘለዓለም፡ ውእቱ፡ ፋኑኤል።
ወእሉ፡ ፬ መላእክቲሁ፡ ለእግዚአብሔር፡ ልዑል፡ ወ ፬ ቃለ፡ ሰማዕኩ፡ በውእቶን፡
መዋዕል።

ክፍል፡ ፵፩።

ወእምድኅረዝ፡ ርኢኩ፡ ኩሎ፡ ኅብአቲሆሙ፡ ለሰማያት፡ ወመንግሥት፡ እፎ፡ ትትከፈል፡
ወተግባረ፡ ሰብእ፡ ከመ፡ በመዳልው፡ ይደለው።

በህየ፡ ርኢኩ፡ ማኅደሪሆሙ፡ ለኅሩያን፡ ወማኅደሪሆሙ፡ ለቅዱሳን፡ ወርእያ፡ አዕይንትየ፡
 በህየ፡ ኩሎሙ፡ ኃጥኣን፡ እንዘ፡ ይሰደዱ፡ እምህየ፡ እለ፡ ይክህድዎ፡ ለስመ፡ እግዚአ፡
 መናፍስት፡ ወይስሕብዎሙ፡ ወቀዊም፡ አልቦሙ፡ በመቅሠፍት፡ እንተ፡ ትወጽእ፡
 እምእግዚአ፡ መናፍስት፡።
 ወበህየ፡ ርእያ፡ አዕይንትየ፡ ኅቡአተ፡ መባርቅት፡ ወነገዑድንድ፡ ወኅቡአተ፡ ነፋሳት፡ እፎ፡
 ይትከፈሉ፡ ከመ፡ ይንፍሑ፡ ዲብ፡ እድር፡ ወኅቡአተ፡ ደመናት፡ ወጠል፡ ወበህየ፡ ርኢኩ፡
 እምኅብ፡ ይወጽእ፡ በውእቱ፡ መካን፡ ወእምህየ፡ ይጸግቡ፡ ፀበለ፡ እድር፡።
 ወበህየ፡ ርኢኩ፡ መዛግብተ፡ ዕፅዋን፡ ወእምኔሆሙ፡ ይትከፈሉ፡ ነፋሳት፡ ወመዝገበ፡
 በረድ፡ ወመዝገበ፡ ጊሜ፡ ወዘደመናት፡ ወደመና፡ ዚአሁ፡ እምሳዕለ፡ እድር፡ የኅድር፡
 እምቅድመ፡ ዓለም፡።
 ወርኢኩ፡ መዛግብተ፡ ፀሐይ፡ ወዘወርኅ፡ እምአይቴ፡ ይወጽኡ፡ ወአይቴ፡ ይገብኡ፡ ወግ
 ብአቶሙ፡ ስብሐ፡ ወእፎ፡ ይከብር፡ ፩እምካልኡ፡ ወምሕዋሮሙ፡ ብዑል፡ ወኢየኅልፉ፡
 እሕዋረ፡ ወኢይዌስኩ፡ ወኢየሐፅ፡ እምሕዋረ፡ ዚአሆሙ፡ ወሃይማኖቶሙ፡ የዐቅቡ፡ ፩
 እስለ፡ ካልኡ፡ በመሐላ፡ ዘነበ፡።
 ወይወፅእ፡ ቅድመ፡ ፀሐይ፡ ወይገብር፡ ፍኖቶ፡ በትእዛዘ፡ እግዚአ፡ መናፍስት፡ ወይጸንዕ፡
 ስሙ፡ ለዓለመ፡ ዓለም፡።
 ወእምድኅረዝ፡ ፍኖት፡ ዘኅቡእ፡ ወዘክሡት፡ ዘወርኅ፡ ወምሕዋረ፡ ፍኖቱ፡ ይፌጽም፡
 በውእቱ፡ መካን፡ በመዓልት፡ ወበሌሊት፡ ፩ ለካልኡ፡ ይኔጽር፡ በቅድመ፡ እግዚአ፡
 መናፍስት፡ ወየአኩቱ፡ ወይሴብሐ፡ ወኢያዐርፉ፡ እስመ፡ አኩቱቶሙ፡ ዕረፍት፡ ውእቱ፡
 ሎሙ፡።
 እስመ፡ ለፀሐይ፡ ብሩህ፡ ብዙኅ፡ እያጤ፡ ቦቱ፡ ለበረከት፡ ወለመርገም፡ ወምርዋጸ፡ ፍኖቱ፡
 ለወርኅ፡ ለጻድቃን፡ ብርሃን፡ ወለኃጥኣን፡ ጽልመት፡ በስሙ፡ ለእግዚእ፡ ዘፈጠረ፡ ማእከለ፡
 ብርሃን፡ ወማእከለ፡ ጽልመት፡ ወከፈለ፡ መንፈሶሙ፡ ለሰብእ፡ ወአጽንዐ፡ መንፈሶሙ፡
 ለጻድቃን፡ በስመ፡ ጽድቀ፡ ዚአሁ፡።
 እስመ፡ መልአክ፡ ኢይከልእ፡ ወሥልጣን፡ ኢይክል፡ ከሊአ፡ እስመ፡ መኩንን፡ ለኩሎሙ፡
 ይሬኢ፡ ወእሎንተ፡ ኩሎሙ፡ በቅድሜሁ፡ ውእቱ፡ ይኳንን፡።

ክፍል : ፵፪።
 ጥበብ፡ መካነ፡ ኢረከበት፡ ኅብ፡ ተኅድር፡ ወሀለወት፡ ማኅደራ፡ ውስተ፡ ሰማያት፡።
 መጽአት፡ ጥበብ፡ ከመ፡ ተኅድር፡ ውስተ፡ ውሉደ፡ ሰብእ፡ ወኢረከበት፡ ማኅደረ፡ ጥበብ፡
 ውስተ፡ መካነ፡ ገብአት፡ ወተፅዕነት፡ ማእከለ፡ መላእክት፡።
 ወዐመፍ፡ ወፅአት፡ እመዛግብቲሃ፡ ዘኢፈቀደት፡ ረከበት፡ ወኅደረት፡ ውስቴቶሙ፡ ከመ፡
 ዝናም፡ በበድው፡ ወከመ፡ ጠል፡ በምድር፡ ጽምእት፡።

ክፍል : ፵፫።
 ወርኢኩ፡ ካልኦ፡ መባርቅተ፡ ወከዋክብተ፡ ሰማይ፡ ወርኢኩ፡ ከመ፡ ይጼውዎሙ፡
 ለኩሎሙ፡ በበአስማቲሆሙ፡ ወይሰምዕዎ፡።
 ወርኢክዎ፡ በመዳልወ፡ ጽድቅ፡ ከመ፡ ይደለው፡ ቡብርሃናቲሆሙ፡ በራኅበ፡ መካናቲሆሙ፡
 ወዕለተ፡ ኩነቶሙ፡ ወሚጠቶሙ፡ መብረቅ፡ መብረቀ፡ ይወልድ፡ ወሚጠቶሙ፡
 ቡኩልቄ፡ መላእክት፡ ወሃይማኖቶሙ፡ የዐቅቡ፡ በበይናቲሆሙ፡።
 ወተስእልክዎ፡ ለመልአክ፡ ዘየሐውር፡ እስሌዎ፡ ዘአርአየኒ፡ ዘኅቡእ፡ ምንት፡ እሎንቱ፡።
 ወይሴለኒ፡ እስለ፡ ዘዚአሆሙ፡ አርአየከ፡ እግዚአ፡ መናፍስት፡ እሉ፡ እሙንቱ፡
 አስማቲሆሙ፡ ለጻድቃን፡ እለ፡ የኅድሩ፡ ዲብ፡ የብስ፡ ወየአምኑ፡ በስሙ፡ ለእግዚአ፡
 መናፍስት፡ ለዓለመ፡ ዓለም፡።

ክፍል : ፵፬።
 ወካልኣተ፡ ርኢኩ፡ በእንተ፡ መብረቅ፡ እፎ፡ ይቀውሙ፡ እምከዋክብት፡ ወይከውኑ፡
 መብረቀ፡ ወኢይክሉ፡ ኅዲገ፡ እስሌሆሙ፡።

ምዕራፍ፡፳።

ክፍል፡፵፮።

ወዝካልእ፡እሳሌ፡ዲበ፡እለ፡ይክህዱ፡ሰሞ፡ለማኅደረ፡ቅዱሳን፡
 ወለእግዚአ፡መናፍስት።
 ኢሰማየ፡የዐርጉ፡ወኢምድረ፡ይበጽሑ፡ከመዝ፡ይከውን፡ክፍለ፡ኃጥኣን፡እለ፡
 ይክሕዱ፡ሰሞ፡ለእግዚአ፡መናፍስት፡እለ፡ከመዝ፡ይትዐቀብ፡ለዕለተ፡ሥራኅ፡
 ወምንዳቤ።
 በይእቲ፡ዕለት፡ይነብር፡በመንበረ፡ሱብሐት፡ኅሩይ፡ወየኅሪ፡ምግባሪሆሙ፡
 ወምዕራፎሙ፡ኅሉልቀህ፡አልቦሙ፡ወመንፈሶሙ፡በማእከሎሙ፡ትጸንዕ፡ሶበ፡ርእይዎ፡
 ለኅሩየ፡ዚአየ፡ወለእለ፡ሰከዩ፡ሰምየ፡ቅዱሳ፡ወስቡሐ።
 ወበይእቲ፡ዕለት፡አነብሮ፡በማእከሎሙ፡ለኅሩየ፡ዚአየ፡ወእዌልግ፡ለሰማይ፡
 ወእጉብራ፡ለበረከት፡ወብርሃን፡ዘለዓለም።
 ወእዌልግ፡ለየብስ፡ወእጉብራ፡ለበረከት፡ወለኅሩያነ፡ዚአየ፡አነብሮሙ፡ውስቴታ፡
 ወእለ፡ይገብሩ፡ኅጢአተ፡ወጌጋየ፡ኢይከይዱ፡ውስቴታ።
 እስመ፡አነ፡ርኢክዎሙ፡ወአጽገብክዎሙ፡በሰላም፡ለጻድቃንየ፡ወአንበርክዎሙ፡
 ቅድሜየ፡ወቀርበት፡ኅቤየ፡ኩነኔ፡ለኃጥኣን፡ከመ፡ብጉሎሙ፡እምገጸ፡እድር።

ክፍል፡፵፯።

ወበሆየ፡ርኢኩ፡ዘሎቱ፡ርእሰ፡መዋዕል፡ወርእሱ፡ከመ፡ፀምር፡ጸዐዳ፡ወምስሌሁ፡
 ካልእ፡ዘገጹ፡ከመ፡ርእየተ፡ሰብእ፡ወምሉእ፡ጸጋ፡ገጹ፡ከመ፡፩እመላእክት፡ቅዱሳን።
 ወተስእልክዎ፡ለ፩እመላእክት፡ዘየሐውር፡እስሌየ፡ወኩሎ፡ኅቡአተ፡ዘአርአየኒ፡
 በእንተ፡ዝኩ፡ወልደ፡ሰብእ፡መኑ፡ውእቱ፡ወእምአይቴ፡ይከውን፡ውእቱ፡በእንተ፡
 እንት፡እስለ፡ርእሰ፡መዋዕል፡የሐውር።
 ወአውሥአኒ፡ወይቤለኒ፡ዝንቱ፡ውእቱ፡ወልደ፡ሰብእ፡ዘሎቱ፡ኮነ፡ጽድቅ፡
 ወጽድቅ፡እስሌሁ፡ኃደረ፡ወኩሎ፡መዘግብተ፡ዘኅቡእ፡ውእቱ፡ይከሥት፡እስመ፡እግ
 ዚአ፡መናፍስት፡ኪያሁ፡ኅረየ፡ወዘክፍሉ፡ኩሎ፡ሞአ፡በቅድመ፡እግዚአ፡መናፍስት፡
 በርትዕ፡ለዓለም።
 ወዝንቱ፡ወልደ፡ሰብእ፡ዘርኢኩ፡ያሥሥሙ፡ለነገሥት፡ወለኅያሳን፡እምስካባቲሆሙ፡
 ወለጽኑዓን፡እመናብርቲሆሙ፡ወይፈትሕ፡ልጓማተ፡ጽኑዓን፡ወያደቅቅ፡አስናነ፡
 ኃጥኣን።
 ወይገፈትዎሙ፡ለነገሥት፡እመናብርቲሆሙ፡ወእመንግሥቶሙ፡እስመ፡
 ኢያሌዕልዎ፡ወኢይሴብሕዎ፡ወኢይገንዩ፡እምአይቴ፡ተውህበት፡ሎሙ፡
 መንግሥት።
 ወገጸ፡ጽኑዓን፡ይገፈትዕ፡ወይመልአሙ፡ኅፍረት፡ወጽልመት፡ይከውኖሙ፡
 ማኅደሪሆሙ፡ወዕዌያት፡ይከውኖሙ፡እስካቦሙ፡ወኢይሴፈው፡ከመ፡ይትነሥኡ፡
 እምስካባቲሆሙ፡እስመ፡ኢያሌዕሉ፡ሰሞ፡ለእግዚአ፡መናፍስት።
 ወእሙንቱ፡ኮነ፡እለ፡ይኪንኑ፡ከዋክብተ፡ሰማይ፡ወያሌዕሉ፡እደሂሆሙ፡ውስተ፡
 ልዑል፡ወይከይዱ፡ዲበ፡የብስ፡ወየኅድሩ፡ውስቴታ፡ወኩሎ፡ተግባሮሙ፡ዐመፃ፡
 ወያርእዩ፡ተግባሮሙ፡ዐመፃ፡ወኅይሎሙ፡ዲበ፡ብዕሎሙ፡ወሃይማኖቶሙ፡ኮነ፡
 ለአማልክት፡እለ፡ገብሩ፡በእደሂሆሙ፡ወክሕድዎ፡ለስሙ፡ለእግዚአ፡መናፍስት።
 ወይሰደዱ፡እምአብያተ፡እስትጉቡአ፡ዚአሁ፡ወለመሃይምናን፡እለ፡ስቋላን፡በስሙ፡
 ለእግዚአ፡መናፍስት።

ክፍል፡፵፰።

ወበውእቱ፡መዋዕል፡ዐርገት፡ጸሎተ፡ጻድቃን፡ወደመ፡ጻድቅ፡እምነ፡እድር፡ቅድመ፡
 እግዚአ፡መናፍስት።

በእሉ፡ መዋዕል፡ የኅብረት፡ ቅዱሳን፡ እለ፡ ይነብሩ፡ መልዕልተ፡ ሰማያት፡ በ፩ ቃል፡
 ወያስተበቀው፡ ወይዳልዩ፡ ወይሴብሐ፡ ወያከኩቱ፡ ወይባርኩ፡ ለስሙ፡ ለእግዚአ፡
 መናፍስት፡ በእንተ፡ ደመ፡ ጻድቃን፡ ዘተክዕወ፡ ወጸሎቶሙ፡ ለጻድቃን፡ ከመ፡ ኢትፀራእ፡
 በቅድመ፡ እግዚአ፡ መናፍስት፡ ከመ፡ ይትገበር፡ ሎሙ፡ ኩኅኔ፡ ወትዕግሥት፡ ኢይኩን፡
 ሎሙ፡ ለዓለም፡፡
 ወበእማንቱ፡ መዋዕል፡ ርኪክዎ፡ ለርእሰ፡ መዋዕል፡ ሰባ፡ ነበረ፡ በመንበረ፡ ስብሐቲሁ፡
 ወመጻሕፍተ፡ ሕያዋን፡ በቅድሜሁ፡ ተከሥቱ፡ ወኩሉ፡ ኅይሉ፡ ዘመልዕልተ፡ ሰማያት፡
 ወዐውደ፡ ዚአሁ፡ ይቀውሙ፡ ቅድሜሁ፡፡
 ወልቦሙ፡ ለቅዱሳን፡ ትመልእ፡ ፍሥሐ፡ እስመ፡ በጽሐ፡ ኅሉልቋ፡ ለጽድቅ፡ ወጸሎቶሙ፡
 ለጻድቃን፡ ተሰምዐ፡ ወደሙ፡ ለጻድቅ፡ በቅድመ፡ እግዚአ፡ መናፍስት፡ ተፈቅደ፡፡

ክፍል፡ ፵፰፡፡
 ወበውእቱ፡ መካን፡ ርኪኩ፡ ነቅዐ፡ ጽድቅ፡ ወኢይትኄለቀሁ፡ ወበዐውደ፡ የዐውደ፡
 ብዙኅ፡ አንቅዕተ፡ ጥበብ፡ ወኩሎሙ፡ ጽሙአን፡ ይሰትዩ፡ እምኔሆሙ፡ ወይትመልኡ፡
 ጥበብ፡ ወማኅደሪሆሙ፡ እስለ፡ ጻድቃን፡ ወቅዱሳን፡ ወኅሩያን፡፡
 ወበይእቲ፡ ሰዓት፡ ተጸውዐ፡ ዝኩ፡ ወልደ፡ ሰብእ፡ በኅብ፡ እግዚአ፡ መናፍስት፡ ወስሙ፡
 መቅድመ፡ ርእሰ፡ መዋዕል፡፡
 ወዘእንበለ፡ ይትፈጠር፡ ፀሐይ፡ ወተአምር፡ ዘእንበለ፡ ይትገበሩ፡ ከዋክብተ፡ ሰማይ፡
 ወስሙ፡ ተጸውዐ፡ በቅድመ፡ እግዚአ፡ መናፍስት፡፡
 ውእቱ፡ ይከውን፡ በትረ፡ ለጻድቃን፡ ወቅዱሳን፡ ከመ፡ ቦቱ፡ ይትመርገቡ፡ ወኢይደቁ፡
 ወውእቱ፡ ብርሃነ፡ አሕዛብ፡ ወውእቱ፡ ይከውን፡ ተስፋ፡ ለእለ፡ የሐሙ፡ በልቦሙ፡፡
 ይወድቁ፡ ወይሰግዱ፡ ቅድሜሁ፡ ኩሎሙ፡ እለ፡ የኅድሩ፡ ዲባ፡ የብስ፡ ወይባርክዎ፡
 ወይሴብሐዎ፡ ወይዜምሩ፡ ሎቱ፡ ለስመ፡ እግዚአ፡ መናፍስት፡፡
 ወበእንተዝ፡ ኮነ፡ ኅሩየ፡ ወኅቡአ፡ በቅድሜሁ፡ እምቅድመ፡ ይትፈጠር፡ ዓለም፡ ወእስከ፡
 ለዓለም፡ በቅድሜሁ፡፡
 ወከሠቶ፡ ለቅዱሳን፡ ወለጻድቃን፡ ጥበቡ፡ ለእግዚአ፡ መናፍስት፡ እስመ፡ ዐቀብ፡ ክፍሎሙ፡
 ለጻድቃን፡ እስመ፡ ጸልእዎ፡ ወመነንዎ፡ ለዝ፡ ዓለም፡ ዘዐመ፡ ወኩሎ፡ እግባሮ፡
 ወፍናዊሁ፡ ጸልኡ፡ በስሙ፡ ለእግዚአ፡ መናፍስት፡ እስመ፡ በስመ፡ ዚአሁ፡ ይድኅኑ፡
 ወፈቃዴ፡ ኮነ፡ ለሕይወቶሙ፡፡
 ወበውእቱ፡ መዋዕል፡ ኮኑ፡ ትሐታኅ፡ ገጽ፡ ነገሥተ፡ እድር፡ ወጽኑዓን፡ እለ፡ ይእኅዝዋ፡
 ለየብስ፡ በእንተ፡ እግባረ፡ እደዊሆሙ፡ እስመ፡ በዕለተ፡ ጸዕቆሙ፡ ወጻሕቦሙ፡ ኢያድኅኑ፡
 ነፍሶሙ፡፡
 ወውስተ፡ እደዊሆሙ፡ ለኅሩያነ፡ ዚአሰ፡ እወድዮሙ፡ ከመ፡ ሣዕር፡ ውስተ፡ እሳት፡ ወከመ፡
 ዐረር፡ ውስተ፡ ማይ፡ ከመዝ፡ ይውዕዩ፡ እምቅድመ፡ ገጸ፡ ጻድቃን፡ ወይሰጠሙ፡
 እምቅድመ፡ ገጸ፡ ቅዱሳን፡ ወኢይትረከብ፡ ሎሙ፡ አሰር፡፡
 ወበዕለተ፡ ጸሕብ፡ ዚአሆሙ፡ ዕረፍት፡ ትከውን፡ በዲባ፡ እድር፡ ወበቅድሜሁ፡ ይወድቁ፡
 ወኢይትነሥኡ፡ ወአልቦ፡ ዘይትሜጠዎሙ፡ በእደዊሁ፡ ወያኅሥኡሙ፡ እስመ፡ ክሕድዎ፡
 ለእግዚአ፡ መናፍስት፡ ወለመሲሐ፡ ወይትባረክ፡ ስሙ፡ ለእግዚአ፡ መናፍስት፡፡

ክፍል፡ ፵፱፡፡
 እስመ፡ ጥበብ፡ ተክዕወ፡ ከመ፡ ማይ፡ ወስብሐት፡ ኢተኅልቅ፡ ቅድሜሁ፡ ለዓለመ፡ ዓለም፡፡
 እስመ፡ ኅያል፡ ውእቱ፡ በኩሉ፡ ኅቡአተ፡ ጽድቅ፡ ወዐመ፡ ከመ፡ ጽኅሎት፡ የኅልፍ፡
 ወምቅዋም፡ አልቦ፡ እስመ፡ ቆመ፡ ኅሩይ፡ በቅድመ፡ እግዚአ፡ መናፍስት፡ ወስብሐቲሁ፡
 ለዓለመ፡ ዓለም፡ ወኅይሉ፡ ለትውልደ፡ ትውልድ፡፡
 ወቦቱ፡ የኅድር፡ መንፈስ፡ ጥበብ፡ ወመንፈስ፡ ዘያሌቡ፡ ወመንፈስ፡ ትምህርት፡ ወኅይል፡
 ወመንፈስ፡ እለ፡ ኖሙ፡ በጽድቅ፡፡
 ወውእቱ፡ ይኳንን፡ ዘኅቡአት፡ ወነገረ፡ በክ፡ አልቦ፡ ዘይክል፡ ብሂለ፡ በቅድሜሁ፡ እስመ፡
 ኅሩይ፡ ውእቱ፡ በቅድመ፡ እግዚአ፡ መናፍስት፡ በከመ፡ ውእቱ፡ ፈቀደ፡፡

ክፍል : ፶ ::

ወበእማንቱ : መዋዕል : ሚጠት : ትከውን : ለቅዱሳን : ወለኅሩያን : ወብርሃነ : መዋዕ :
 ዲቤሆሙ : የኅድር : ወሰብሐት : ወክብር : ለቅዱሳን : ይትመየጥ ::
 ወበዕለት : እንተ : ጸሕብ : ትዘገብ : እኪት : ሳዕለ : ኃጥኣን : ወይመውኡ : ጸድቃን : በስሙ :
 ለእግዚአ : መናፍስት : ወያርኢ : ለካልኣን : ከመ : ይነስሐ : ወይኅድጉ : እግባረ :
 እደዊሆሙ ::
 ወኢይከውን : ሎሙ : ክብር : በቅድመ : እግዚአ : መናፍስት : ወበስሙ :
 ይድኅኑ : ወእግዚአ : መናፍስት : ይምሕሮሙ : እስመ : ብዙኅ : እሕረቱ ::
 ወጸድቅ : ውእቱ : በኩነኔሁ : ወበቅድመ : ስብሐቲሁ : ወዐመፃ : ኢትቀውም : በኩነኔሁ :
 ዘኢይኔስሕ : በቅድሜሁ : ይትሐገዕል ::
 ወእምይእዜሰ : ኢይምሕሮሙ : ይቤ : እግዚአ : መናፍስት ::

ክፍል : ፶፩ ::

ወበእማንቱ : መዋዕል : ታገብእ : እድር : ማኅፀንታ : ወሲኦል : ታገብእ : ማኅፀንታ :
 ዘተመጠወት : ወኅድል : ያገብእ : ዘይፈዲ ::
 ወየኅሪ : ጸድቃን : ወቅዱሳን : እምኔሆሙ : እስመ : ቀርበት : ዕለት : ከመ : እሙንቱ :
 ይድኅኑ ::
 ወኅሩይ : በእማንቱ : መዋዕል : ዲቤ : መንበሩ : ይነብር : ወኩሉ : ኅቡአተ : ጥቡብ :
 እምሕሊና : አፋሁ : ይወፅእ : እስመ : እግዚአ : መናፍስት : ወሀቦ : ወሰብሐ ::
 ወበእማንቱ : መዋዕል : ይዘፍኑ : አድባር : ከመ : ሐራጊት : ወአውግርኒ : ያንፈርዕፅ : ከመ :
 መሐስዕ : ጽጉባን : ሐሊብ : ወይከውኑ : ኩሎሙ : መላእክተ : በሰማይ ::
 ገጾሙ : ይበርህ : በፍሥሐ : እስመ : በእማንቱ : መዋዕል : ኅሩይ : ተንሥኦ : ወምድር :
 ትትፌሣሕ : ወጸድቃን : ዲቤሃ : የኅድሩ : ወኅሩያን : ውስቴታ : የሐውሩ : ወያንሶስው ::

ክፍል : ፶፪ ::

ወእምድኅረ : እማንቱ : መዋዕል : በውእቱ : መካን : ኅበ : ርኢኩ : ኩሎ : ራእያተ : ዘኅቡእ :
 እስመ : ተመሠጥኩ : በነኩርካረ : ነፋስ : ወወሰዱኒ : ውስተ : ዐረብ ::
 ላህየ : ርእያ : አዕይንትየ : ኅቡአተ : ሰማይ : ኩሎ : ዘይከውን : ሀሎ : በዲቤ : እድር :
 ደብረ : ሐዲን፤ ወደብረ : ፀሪቅ፤ ወደብረ : ብሩር፤ ወደብረ : ወርቅ፤ ወደብረ : ነጠብጣብ
 ፤ ወደብረ : ዐረር ::
 ወተስእልክም : ለመልአክ : ዘየሐውር : እስሌየ : እንዘ : እብል : እንት : ውእቱ : እሉ :
 እሙንቱ : እለ : በኅቡዕ : ርኢኩ ::
 ወይቤለኒ : እሉ : ኩሎሙ : ዘርኢከ : ለሥልጣን : መሲሐ : እሙንቱ : ይከውኑ : ከመ :
 የአዝዝ : ወይትኅየል : ዲቤ : እድር ::
 ወአውሥኦኒ : እንዘ : ይብል : ውእቱ : መልአክ : ሰላም : ጽናሕ : ንስቲተ : ወትሬኢ :
 ወይትከሠት : ለከ : ኩሉ : ዘኅቡእ : ዘተከለ : እግዚአ : መናፍስት ::
 ወእሎንቱ : አድባር : ዘርኢከ : ደብረ : ሐዲን፤ ወደብረ : ፀሪቅ፤ ወደብረ : ብሩር፤
 ወደብረ : ወርቅ፤ ወደብረ : ነጠብጣብ፤ ወደብረ : ዐረር፤ እሉ : ኩሎሙ : ቅድሜሁ :
 ለኅሩይ : ይከውኑ : ከመ : መግረ : ግራ : ዘቅድመ : ገጸ : እሳት : ወከመ : ማይ : ዘይወርድ :
 እምሳዕሉ : ዲቤ : እማንቱ : አድባር : ወይከውኑ : ድኩማን : በቅድመ : እገሪሁ ::
 ወይከውን : በእማንቱ : መዋዕል : ኢይድኅኑ : ኢበወርቅ : ወኢብብሩር : ወኢይክሉ :
 ድኅኒ : ወጌይየ ::
 ወኢይከውን : ሐዲን : ለፀብእ : ወኢልብስ : ለድርዐ : እንግድግ : ኢይበቀኦ : ብርት :
 ወኢናዕክ : ኢይበቀኦ : ወኢይትኔለቀኦ : ወዐረር : ኢይትፈቀድ ::
 እሉ : ኩሎሙ : ይትከሐዱ : ወይትኅገሎ : ሀለው : እምገጸ : እድር : ሰበ : ያስተርኢ :
 ኅሩይ : በቅድመ : ገጹ : ለእግዚአ : መናፍስት ::

ክፍል : ፶፫ ::

ወበህየ : ርእያ : አዕይንትየ : ቁላ : ዕሙቀ : ወርኅው : አፋሁ : ወኩሎሙ : እለ : የኅድሩ : ዲበ : የብስ : ወባሕር : ወደሰያት : አምኃ : ወአስትፃ : ወጋዳ : ያመጽኡ : ሎቱ : ወዝክቱስ : ቁላ : ዕሙቅ : ኢይመልእ ::

ወጌጋየ : እደዊሆሙ : ይገብሩ : ወኩሎ : ዘይጸምው : ለጌጋይ : ኃጥአን : ይበልዑ : ወእምገጹ : ለእግዚአ : መናፍስት : ይትኅገቡሉ : ኃጥአን : ወእምገጹ : ለምድረ : ዚአሁ : ይትቀወሙ : ወኢየኅልቁ : ለፃለመ : ፃለም ::

እስመ : ርኢክዎሙ : ለመላእክተ : መቅሠፍት : እንዘ : የሐውሩ : ወያስተዳልው : ኩሎ : መባዕላተ : ለሰይጣን ::

ወተስእልክዎ : ለመአከ : ሰላም : ዘየሐውር : እስሌየ : እሎንተ : መባዕላተ : ለመኑ : ያስተዳልውዎሙ ::

ወይቤለኒ : እሎንተ : ያስተዳልውዎሙ : ለነገሥት : ወለኅያላን : ዘዝንቱ : እድር : ከመ : ቦቱ : ይትሐገቡሉ ::

ወእምድኅረ : ዝንቱ : ያስተርኢ : ጸድቅ : ወኅሩይ : ቤተ : እስትጉቡአ : ዚአሁ : እምይእኬ : ኢይትከልኡ : በስሙ : ለእግዚአ : መናፍስት ::

ወእሉ : አድባር : ይከውኑ : በቅድመ : ገጹ : ከመ : እድር : ወአውግር : ይከውኑ : ከመ : ነቅዑ : ማይ : ወያዐርፉ : ጸድቃን : እም ጸማ : ኃጥአን ::

ክፍል : ፶፬ ::

ወነጸርኩ : ወተመየጥኩ : ካልአ : ገጹ : እድር : ወርኢኩ : አየ : ቁላ :

ዕሙቀ : እንዘ : ትኅድድ : እሳት ::

ወአምጽእዎሙ : ለነገሥት : ወለኅያላን : ወወደይዎሙ : ውስተ : ዕሙቅ : ቁላ ::

ወበህየ : ርእያ : አዕይንትየ : ዘመባዕላቲሆሙ : እንዘ : ይገብርዎሙ : መፃሠርተ : ኅዲን : ዘአልቦ : መድሎት ::

ወተስእልክዎ : ለመልአከ : ሰላም : ዘየሐውር : እስሌየ : እንዘ : እብ : እሉ : ማእሥራተ : መባዕላት : ለመኑ : ይዴለው ::

ወይቤለኒ : እሉ : ይዴለው : ለትዕይንተ : አዘዝኤል : ከመ : ይትመጠውዎሙ :

ወይደይዎሙ : መትሕተ : ኩሉ : ደይን : ወአእካነ : ጠዋያተ : ይከድኑ : መላትሒሆሙ : በከመ : አዘዘ : እግዚአ : መናፍስት ::

ሚካኤል : ወገብርኤል : ፋፋኤል : ወፋኑኤል : ውእቶሙ : ያጸንዕዎሙ : በይእቲ : ዕለት : ዐባይ : በውስተ : ዕቶነ : እሳት : ዘይኅድድ : ይወድይዎሙ : ውእተ : ዕለተ : ከመ : ይትበቀል :

እምኔሆሙ : እግዚአ : መናፍስት : በዐመፃሆሙ : በእንተ : ዘኩኑ : ላእካነ : ለሰይጣን :

ወአስሐትዎሙ : ለእለ : የኅድሩ : ዲበ : የብስ ::

ወበውእቱ : መዋዕል : ይወጽእ : መቅሠፍቱ : ለእግዚአ : መናፍስት : ወይትረኅው : ኩሉ : መዘግብተ : ማያት : ዘመልዕልተ : ሰማያት : ወዲበ : አንቅዕት : እለ : መትሕተ : ሰማያት :

ወዘመትሕተ : እድር ::

ወይዴመሩ : ኩሎሙ : ማያት : እስለ : ማያት : ዘመልዕልተ : ሰማያት : ማይሰ : ዘመልዕልተ : ሰማይ : ተባዕታይ : ውእቱ : ወማይ : ዘመትሕተ : ምድር : አንስታይ : ይእቲ ::

ወይደመሰሱ : ኩሉ : እለ : የኅድሩ : ዲበ : የብስ : ወእለ : የኅድሩ : መትሕተ : አጽናፈ : ሰማይ ::

ወበእንተዝ : አእመርዋ : ለዐመፃሆሙ : እንተ : ገብሩ : በዲበ : ምድር : ወበእንተዝ : ይትኅገቡሉ ::

ክፍል : ፶፭ ::

ወእምድኅረዝ : ነስሐ : ርእሰ : መዋዕል : ወይቤ : በከ : አሕጉልክዎሙ : ለኩሎሙ : እለ : ይነብሩ : ዲበ : የብስ ::

ወመሐለ : በስሙ : ዐቢይ : ከመ : እምይእኬ : ኢይገብር : ከመዝ : ለኩሎሙ : እለ : ይነብሩ : ዲበ : የብስ : ወትእምርተ : እወዲ : በሰማያት : ወይከውን : ማእከሌየ : ወማእከሎሙ :

ሃይማኖተ : እስከ : ለፃለም : መጠነ : መዋዕል : ሰማይ : ዲበ : እድር ::

ወእምዝ፡ በትእዛዝዎ፡ ውእቱ፡ ሰባ፡ ፈቀድኩ፡ ከመ፡ አጽንዖሙ፡ በእደ፡ መላእክት፡ በዕለተ፡ እንደቤ፡ ወሕማም፡ ቅድመዝ፡ መግትዮ፡ ወመቅሠፍትዮ፡ የኅድር፡ ሳዕሌሆሙ፡ መግትዮ፡ ወመቅሠፍትዮ፡ ይቤ፡ እግዚአብሔር፡ እግዚአ፡ መናፍስት፡ ፡ ፡ ነገሥት፡ ኅያላን፡ እለ፡ ተኅድሩ፡ ውስተ፡ የብስ፡ ሀለወክሙ፡ ትርኢይዎ፡ ለኅሩዮ፡ ዚአዮ፡ ከመ፡ ይነብር፡ በመንበረ፡ ስብሐትዮ፡ ወይኬንኖ፡ ለአዛዝኤል፡ ወለኩሎሙ፡ ማኅበረ፡ ዚአሁ፡ ወለትዕይንተ፡ ዚአሁ፡ ኩሎሙ፡ በሰሙ፡ ለእግዚአ፡ መናፍስት፡ ፡ ፡

ክፍል፡ ፶፮፡ ፡ ፡

ወርኢኩ፡ በህዮ፡ ትዕይንተ፡ መላእክት፡ ዘመቅሠፍት፡ እንዘ፡ የሐውሩ፡ ወእኑዛን፡ መሣግረ፡ ኅዳን፡ ወብርት፡ ፡ ፡ ወተስእልክዎ፡ ለመልአክ፡ ሰላም፡ ዘየሐውር፡ እስሌዮ፡ እንዘ፡ እብል፡ ለመኑ፡ የሐውሩ፡ እለ፡ ይእኅዙ፡ ፡ ፡ ወይቤለኒ፡ ፩፩ ለኅሩዮን፡ ዚአሆሙ፡ ወለፍቁራነ፡ ዚአሆሙ፡ ከመ፡ ይትወደዩ፡ ውስተ፡ ንቅዕተ፡ ማዕምቅት፡ ዘቈላ፡ ፡ ፡ ወአሜሃ፡ ይመልእ፡ ውእቱ፡ ቁላ፡ እምነ፡ ኅሩዮን፡ ወፍቁራነ፡ ዚአሆሙ፡ ወይትዌዳዕ፡ ዕለተ፡ ሕይወቶሙ፡ ወዕለተ፡ ስሕተቶሙ፡ እምይእኬ፡ ኢይትጌለቀ፡ ፡ ፡ ወበእማንቱ፡ መዋዕል፡ ይትጋብኩ፡ መላእክት፡ ወይወደዩ፡ አርእስቲሆሙ፡ ለምሥራቅ፡ ለኅብ፡ ሰብአ፡ ጳርቴ፡ ወሜድ፡ የሐውስዎሙ፡ ለነገሥት፡ ወይበውእ፡ ሳዕሌሆሙ፡ መንፈስ፡ ሀውክ፡ ወየሀውክዎሙ፡ እመናብርቲሆሙ፡ ወይወፅኩ፡ ከመ፡ አናብስት፡ እምስከባቲሆሙ፡ ወከመ፡ አዝእብት፡ ርኅብን፡ ማእከለ፡ መርዔተ፡ ዚአሆሙ፡ ፡ ፡ ወየዐርጉ፡ ወይከይድዎ፡ ለምድረ፡ ኅሩዮን፡ ዚአሆሙ፡ ወትከውን፡ ምድረ፡ ኅሩዮን፡ ዚአሁ፡ በቅድሜሆሙ፡ እክያደ፡ ወአሰረ፡ ፡ ፡ ወሀገረ፡ ጳድቃነ፡ ዚአዮ፡ ይከውን፡ ማዕቅፈ፡ ለአፍራሲሆሙ፡ ወያነሥኩ፡ በበይናቲሆሙ፡ ቀትለ፡ ወትጸንዕ፡ የማኖሙ፡ ዲቤሆሙ፡ ወኢያአምሮ፡ ብእሲ፡ ለካልኩ፡ ወለእኑሁ፡ ወኢወልድ፡ ለአቡሁ፡ ወለእሙ፡ እስከ፡ ይከውን፡ ኑልቁ፡ አብድንት፡ እምቶሙ፡ ወመቅሠፍቶሙ፡ ወኢይከውን፡ በከ፡ ፡ ፡ ወበእማንቱ፡ መዋዕል፡ ትፈትሕ፡ አፋሃ፡ ሲኦል፡ ወይሠጠሙ፡ ውሰቴታ፡ ወሐጉሎሙ፡ ሲኦል፡ ትውኅጠሙ፡ ለኃጥእን፡ እምገጸ፡ ኅሩዮን፡ ፡ ፡

ክፍል ፶፯፡ ፡ ፡

ወኮነ፡ እምድኅረዝ፡ ርኢኩ፡ ካልአ፡ ትዕይንተ፡ ሠረገላት፡ እንዘ፡ ይጼአኑ፡ ሰብእ፡ ዲቤሆሙ፡ ወይመጽኩ፡ ዲቤ፡ ነፋስ፡ እምሥራቅ፡ ወእምዕራብ፡ እስከ፡ መንፈቀ፡ ዕለት፡ ፡ ፡ ወተሰምዐ፡ ቃለ፡ ድምፀ፡ ሰረገላቲሆሙ፡ ወሰብ፡ ኮነ፡ ዝሀውክ፡ ቅዱሳን፡ እምሰማይ፡ አእመሩ፡ ወዐምደ፡ እድር፡ ተሐውሰ፡ እመንበሩ፡ ወተሰምዐ፡ እምአጽናፈ፡ እድር፡ እስከ፡ አጽናፈ፡ ሰማይ፡ በአሐቲ፡ ዕለት፡ ፡ ፡ ወይወድቁ፡ ኩሎሙ፡ ወይሰግዱ፡ ለእግዚአ፡ መናፍስት፡ ወዝንቱ፡ ውእቱ፡ ተፍጻሜተ፡ ካልእ፡ እሳሌ፡ ፡ ፡

ምዕራፍ፡ ፱፡ ፡ ፡

ክፍል፡ ፶፰፡ ፡ ፡

ወአኅዝኩ፡ እበል፡ ሣልሰ፡ እሳሌ፡ በእንተ፡ ጳድቃን፡ ወበእንተ፡ ኅሩዮን፡ ፡ ፡ ብፀ-ዓን፡ አንትሙ፡ ጳድቃን፡ ወኅሩዮን፡ እስመ፡ ስብሕ፡ ክፍልክሙ፡ ፡ ፡ ወይከውኑ፡ ጳድቃን፡ ቡብርሃነ፡ ፀሐይ፡ ወኅሩዮን፡ ቡብርሃነ፡ ሕይወት፡ ዘለዓለም፡ ወማኅለቅት፡ አልቡቱ፡ ለመዋዕለ፡ ሕይወቶሙ፡ ወለቅዱሳን፡ ኑልቁ፡ መዋዕል፡ አልቦሙ፡ ፡ ፡ ወየኅኃዎ፡ ለብርሃን፡ ወይረክብ፡ ጽድቀ፡ በኅብ፡ እግዚአ፡ መናፍስት፡ ፤ ሰላም፡ ለጳድቃን፡ በኅብ፡ እግዚአ፡ ዓለም፡ ፡ ፡ ወእምድኅረዝ፡ ይትበሀል፡ ለቅዱሳን፡ ከመ፡ ይኅሥሡ፡ በሰማይ፡ ኅቡአተ፡ ጽድቅ፡ ክፍለ፡ ሃይማኖት፡ እስመ፡ ሠረቀ፡ ከመ፡ ፀሐይ፡ ዲቤ፡ የብስ፡ ወጽልመት፡ ኅለፈ፡ ፡ ፡

ወብርሃን፡ ዘኢይትኳለቀ፡ ይከውን፡ ወቡተልቁ፡ መዋዕል፡ ኢይበውኡ፡ እስመ፡ ቀዳሚ፡ ተሐጉለ፡ ጽልመት፡ ወብርሃን፡ ይጸንዕ፡ በቅድመ፡ እግዚአ፡ መናፍስት፡ ወብርሃን፡ ርትዕ፡ ትጸንዕ፡ ለዓለም፡ በቅድመ፡ እግዚአ፡ መናፍስት፡።

ክፍል፡ ፶፱፡፡

ወበእማንቱ፡ መዋዕል፡ ርእያ፡ አዕይንትየ፡ ጎቡኣተ፡ መባርቅት፡ ወብርሃናተ፡ ወኩነኔሆሙ፡ ወይበርቁ፡ ለበረከት፡ ወለመርገም፡ በከመ፡ ፈቀደ፡ እግዚአ፡ መናፍስት፡። ወበህየ፡ ርኢኩ፡ ጎቡኣተ፡ ነጉድንድ፡ ወሶበ፡ ይደቅቅ፡ በመልዕልተ፡ ሰማይ፡ ወቃሎሙ፡ ይሰማዕ፡ ወማኅደራተ፡ የብስ፡ አስተርአዩኒ፡ ወቃል፡ ዘነጉድንድ፡ ለሰላም፡ ወለበረከት፡ ወለእመ፡ ለረጊም፡ በቃለ፡ እግዚአ፡ መናፍስት፡። ወእምድኅረዝ፡ ተርእየ፡ ሊተ፡ ኩሉ፡ ጎቡኣቲሆሙ፡ ለብርሃናት፡ ወለመባርቅት፡ ለበረከት፡ ወለጽጋብ፡ ይበርቁ፡።

ምዕራፍ፡ ፲፡፡

ክፍል፡ ፳፡፡

በዓመት፡ ፳፻ ወበወርኅ፡ ሳብዕ፡ እምዐሠሩ፡ ወረቡዑ፡ ለወርኅ፡ በሕይወተ፡ ሄኖክ፡ በውእቱ፡ አምሳል፡ ርኢኩ፡ ከመ፡ ታድለቀልቅ፡ ሰማየ፡ ሰማያት፡ ድልቅልቀ፡ ዐቢየ፡ ወኅይሉ፡ ለዑል፡ ወመላእክት፡ አእላፊ፡ አእላፋት፡ ወትእልፊተ፡ ትእልፊት፡ ተሀውኩ፡ ዐቢየ፡ ሁከተ፡። ወሶቤሃ፡ ርኢኩ፡ ርእሰ፡ መዋዕል፡ ዲበ፡ መንበረ፡ ስብሐቲሁ፡ ይነብር፡ ወመላእክት፡ ወጻድቃን፡ ዐውዶ፡ ይቀውሙ፡። ወሊተ፡ ረዕድ፡ ዐቢይ፡ ነሥኣኒ፡ ወፍርሀት፡ አኅዘኒ፡ ወሐቋየ፡ ተቀጽዐ፡ ወተፈትሐ፡ ወኩለንታየ፡ ተመስወ፡ ወወደቁ፡ በገጽየ፡። ወፈነወ፡ ቅዱስ፡ ሚካኤል፡ ካልአ፡ መልአክ፡ ቅዱስ፡ ፩እምነ፡ መላእክት፡ ቅዱሳን፡ ወአንሥኣኒ፡ ወሶበ፡ አንሥኣኒ፡ መንፈስየ፡ ገብአት፡ እስመ፡ ኢክህልኩ፡ ተዐግሦ፡ እምርእየ፡ ዝኩ፡ ኅይል፡ ወኪያሁ፡ ሀውክ፡ ወአንቀልቅሎ፡ ሰማይ፡። ወይቤለኒ፡ ቅዱስ፡ ሚካኤል፡ በእንተ፡ እንት፡ ራእይ፡ ዘከመዝ፡ ተሀውኩ፤ እስከ፡ ዮም፡ ሀለወት፡ ዕለተ፡ እሕረቱ፡ ወሀሎ፡ መሐሪ፡ ወርኑቀ፡ መዐት፡ ሳዕለ፡ እለ፡ የኅድሩ፡ ዲበ፡ የብስ፡። ወሶበ፡ ትመጽእ፡ ዕለት፡ ወኅይል፡ ወመቅሠፍት፡ ወኩነኔ፡ እንተ፡ አስተዳለወ፡ እግዚአ፡ መናፍስት፡ ለእለ፡ ይሰግዱ፡ ለኩነኔ፡ ጽድቅ፡ ወለእለ፡ ይክሕዱ፡ ለኩነኔ፡ ጽድቅ፡ ወለእለ፡ ያነሥኡ፡ ስም፡ በከ፡ ወተደለወት፡ ይእቲ፡ ዕለት፡ ለኅሩያን፡ መሀላ፡ ወለኃጥኣን፡ ሐተታ፡። ወይትከፈሉ፡ በይእቲ፡ ዕለት፡ ፪አናብርት፡ አንበሪ፡ አንስቲያዊት፡ ዘስማ፡ ሌዋታን፡ ከመ፡ ትኅድር፡ በልጉተ፡ ባሕር፡ መልዕልተ፡ አንቅዕተ፡ ማያት፡። ወለተባዕታይ፡ ስሙ፡ ብሔሞት፡ ዘይእኅዝ፡ በእንግዳዳሁ፡ በበድው፡ ዘኢያስተርኢ፡ ወስሙ፡ ዴንዳይን፡ በምሥራቀ፡ ገነት፡ በኅበ፡ ይነብሩ፡ ኅሩያን፡ ወጻድቃን፡ በኅበ፡ ተመጠወ፡ እምሔውየ፡ ዘውእቱ፡ ሳብዕ፡ እምነ፡ አዳም፡ ቀዳሚሆሙ፡ ለሰብእ፡ ዘገብረ፡ እግዚአ፡ መናፍስት፡። ወተስእልክዎ፡ ለዝኩ፡ ካልእ፡ መልአክ፡ ከመ፡ ያርእየኒ፡ ኅይሎሙ፡ ለእልክቱ፡ አናብርት፡ እፎ፡ ተሌለዩ፡ በአሐቲ፡ ዕለት፡ ወተወደዩ፡ ፩ በልጉተ፡ ባሕር፡ ወ ፩ በየብስ፡ በድው፡። ወይቤለኒ፡ አንተ፡ ወልደ፡ ሰብእ፡ በዝየ፡ ትፈቅድ፡ ታእምር፡ ዘኅቡእ፡። ወይቤለኒ፡ ካልእ፡ መልአክ፡ ዘየሐውር፡ እስሌየ፡ ወዘበኅቡእ፡ ያርእየኒ፡ ዘቀዳሚ፡ ወዘደኃሪ፤ በሰማይ፡ በውስተ፡ ሳዕለ፡ ወበውስተ፡ የብስ፡ በማዕምቅ፤ ወበአጽናፈ፡ ሰማይ፤ ወበመሠረተ፡ ሰማይ፤ ወበመዛግብተ፡ ነፋሳት፡። ወእፎ፡ ይትከፈሉ፡ መናፍስት፡ ወእፎ፡ ይደሉ፡ ወእፎ፡ ይትኳለቁ፡ አንቅዕት፡ ወነፋሳት፡ በኅይለ፡ መንፈስ፡ ወኅይሎሙ፡ ለብርሃን፡ ወርኅ፡ ወከመ፡ ኅይለ፡ ጽድቅ፡ ወክፍላተ፡ ከዋክብት፡ በበስምሙ፡ ወኩሉ፡ ክፍል፡ ይትከፈል፡።

ወነገራዊዎች፡ በበሙዳታቲሆሙ፡ ወለኩሉ፡ ክፍል፡ ዘይትከፈል፡ ከመ፡ ይብርቅ፡
 በመብረቅ፡ ወትዕይንቶሙ፡ ከመ፡ ፍጡነ፡ ይስምዑ፡፡
 እስመ፡ ቦቱ፡ ለነገራዊዎች፡ እዕራፋት፡ በትዕግሥት፡ ለቃለ፡ ዘአሁ፡ ተውህበ፡
 ወኢይትሌለዩ፡ ኢነገራዊዎች፡ ወኢመብረቅ፡ ወኢ፩ በመንፈስ፡ ክልኤሆሙ፡ የሐውሩ፡
 ወኢይትሌለዩ፡፡
 እስመ፡ ሰበ፡ ይብርቅ፡ መብረቅ፡ ነገራዊዎች፡ ቃሎ፡ ይሁብ፡ ወመንፈስ፡ በጊዜሃ፡ ያዐርፍ፡
 ወዕሩ፡ ይከፍል፡ ማእከሎሙ፡ እስመ፡ መዝገበ፡ ጊዜያቲሆሙ፡ ዘኖ፡ ውእቱ፡ ወ፩፩
 እምኔሆሙ፡ በጊዜሁ፡ በልገም፡ ይትኦነዙ፡ ወይትመየጡ፡ በኅይለ፡ መንፈስ፡ ወይትነዳዕ፡
 ከመዝ፡ በከመ፡ ብዝሃ፡ አድዋለ፡ እድር፡፡
 ወመንፈስ፡ ባሕር፡ ተባዕታይ፡ ውእቱ፡ ወጽኑዕ፡ ወበከመ፡ ኅይለ፡ ጽንዓታ፡ በልገም፡
 ያገብኦ፡ ወከመዝ፡ ትትነዳዕ፡ ወትዘራእ፡ በኩሉ፡ አድባረ፡ እድር፡፡
 ወመንፈስ፡ አስተትያ፡ መልአከ፡ ዘአሁ፡ ውእቱ፡ ወመንፈስ፡ በረድ፡ መልአክ፡ ጌር፡
 ውእቱ፡፡
 ወመንፈስ፡ ሐመዳ፡ ኅደገ፡ በእንተ፡ ኅይለ፡ ዘአሁ፡ ወመንፈስ፡ ቦቱ፡ ባሕቲቱ፡
 ወዘዋወር፡ እምኔሁ፡ ከመ፡ ጢስ፡ ውእቱ፡ ወስሙ፡ ደደክ፡፡
 ወመንፈስ፡ ጊሜ፡ ኢይትኅበር፡ እስሌሆሙ፡ ውስተ፡ መዛግብቲሆሙ፡ አላ፡ መዝገብ፡ ቦቱ፡
 ለባሕቲቱ፡ እስመ፡ እሕዋረ፡ ዘአሁ፡ በስብሐት፡ ወበብርሃን፡ ወበጽልመት፡ ወበክረምት፡
 ወበሐጋይ፡ ወመዝገበ፡ ዘአሁ፡ ብርሃን፡ ወመልአክ፡ ውእቱ፡፡
 ወመንፈስ፡ ጠል፡ ማኅደሩ፡ በአጽናፈ፡ ሰማይ፡ ወድሩ፡ ውእቱ፡ እስለ፡ መዛግብተ፡
 ዝናም፡ ወምሕዋረ፡ ዘአሁ፡ በክረምት፡ ወበሐጋይ፡ ወደመና፡ ዘአሁ፡ ወደመና፡ ጊሜ፡
 ኅብር፡ ወ፩ ለካልኡ፡ ይሁብ፡፡
 ወመንፈሱ፡ ለዝናም፡ ሰበ፡ ይትሐወስ፡ እምነ፡ መዝገበ፡ ዘአሁ፡ ይመጽኡ፡ መላእክት፡
 ወያርኅው፡ መዝገበ፡ ወያዕ፡ ወሰባ፡ ይዘራእ፡ ዲበ፡ ኩሉ፡ የብስ፡ ወሰባ፡ ይትኅበር፡
 በኩሉ፡ ጊዜ፡ ምስለ፡ ማይ፡ ዘዲበ፡ የብስ፡፡
 እስመ፡ ኮኑ፡ ማያት፡ ለእለ፡ የኅድሩ፡ ዲበ፡ የብስ፡ እስመ፡ ሲሳያ፡ ለየብስ፡ እምነበ፡ ልዑል፡
 ዘበሰማይ፡ ውእቱ፡ እስመ፡ በእንተዝ፡ መስፈርት፡ ቦቱ፡ ለዝናም፡ ወመላእክት፡
 ይትሜጠውዎ፡፡
 እሎንተ፡ ኩሎሙ፡ ርኢኩ፡ እስከ፡ ገነተ፡ ጻድቃን፡፡
 ወይቤለኒ፡ መልአክ፡ ሰላም፡ ዘምስሌየ፡ ይሄሉ፡ እሉ፡ ጄአናብርት፡ ላዕለ፡ ዕበይ፡ ዘእግ
 ዘአብሐር፡ ድልዋን፡ ይሴሰዩ፡ ከመ፡ መቅሠፍቱ፡ ለእግዚአብሔር፡ በከ፡ ኢይኩን፡
 ወይትቀተሉ፡ ደቂቅ፡ እስለ፡ እማቲሆሙ፡ ወውሉድ፡ እስለ፡ አበቂሆሙ፡፡
 ሰበ፡ ታዐርፍ፡ መቅሠፍቱ፡ ለእግዚአ፡ መናፍስት፡ ዲቤሆሙ፡ ታዐርፍ፡ ከመ፡ ኢትምጻእ፡
 መቅሠፍቱ፡ ለእግዚአ፡ መናፍስት፡ በከ፡ ዲበ፡ እሉ፡ ድኅረ፡ ትከውን፡ ኩነኔ፡ በምሕረቱ፡
 ወበትዕግሥቱ፡፡
 ክፍል፡ ፳፩፡፡
 ወርኢኩ፡ በእማንቱ፡ መዋዕል፡ ተውህበ፡ ለእልኩ፡ መላእክት፡ አኅባል፡ ነዊታን፡ ወነሥኡ፡
 ሎሙ፡ ክንፈ፡ ወሠረሩ፡ ወሐሩ፡ መንገለ፡ መስዕ፡፡
 ወተስእልክዎ፡ ለመልአክ፡ እንዘ፡ እብል፡ ለምንት፡ ነሥኡ፡ እሎንቱ፡ አኅባል፡ ነዊታን፡
 ወሐሩ፡ ወይቤለኒ፡ ሐፉ፡ ከመ፡ ይመጥኑ፡፡
 ወይቤለኒ፡ መልአክ፡ ዘምስሌየ፡ የሐውር፡ እሉ፡ እሙንቱ፡ አምጣነ፡ ጻድቃን፡
 ወመኣሥረ፡ ጻድቃን፡ ያመጽኡ፡ ከመ፡ ይትመርጉዙ፡ በስሙ፡ ለእግዚአ፡ መናፍስት፡
 ለዓለመ፡ ዓለም፡፡
 ይጭጥኑ፡ ወየኅድሩ፡ ኅሩያን፡ እስለ፡ ኅሩያን፡ ወእሉ፡ አምጣነት፡ እለ፡ ይትወሀቡ፡
 ለሃይማኖት፡ ወያጸንዑ፡ ቃለ፡ ጽድቅ፡፡
 ወእሉ፡ አምጣነት፡ ይከሥቱ፡ ኩሎ፡ ኅቡአታ፡ ለዕመቀ፡ እድር፡ ወእለ፡ ተኅጉሉ፡
 እምበድው፡ ወእለ፡ ተበልዑ፡ እምዐሣተ፡ ባሕር፡ ወእምኦራዊት፡ ከመ፡ ይግብኡ፡
 ወይትመርጉዙ፡ በዕለተ፡ ኅሩይ፡ እስመ፡ አልቦ፡ ዘይትሐገውል፡ በቅድመ፡ እግዚአ፡
 መናፍስት፡ ወአልቦ፡ ዘይክል፡ ተሐጉሎተ፡፡

ወነሥኡ፡ ትእዛዘ፡ እለ፡ በመልዕልተ፡ ሰማያት፡ ኩሎሙ፡ ወኅይል፡ ፩ ወቃል፡ ፩ ወብርሃን፡
 ፩ ከመ፡ እሳት፡ ተውህበ፡ ሎሙ፡ ።
 ወለውእቱ፡ መቅደመ፡ ቃል፡ ይባርክዎ፡ ወያሌዕልዎ፡ ወይሴብሕዎ፡ በጥብብ፡
 ወይጠብብ፡ በነገር፡ ወበመንፈሰ፡ ሕይወት፡ ።
 ወእግዚእ፡ መናፍስት፡ ዲብ፡ መንበረ፡ ስብሐቲሁ፡ አንበሮ፡ ለኅሩይ፡ ወይኪንን፡ ኩሎ፡ ግ
 ብሮሙ፡ ለቅዱሳን፡ በመልዕልተ፡ ሰማይ፡ ወበመዳልው፡ ይደሉ፡ እግባሮሙ፡ ።
 ወሰበ፡ ያሌዕል፡ ገጾ፡ ከመ፡ ይኩንን፡ ፍኖቶሙ፡ እንተ፡ ኅቡኣት፡ በነገር፡ ስሙ፡ ለእግዚእ፡
 መናፍስት፡ ወአሰረ፡ ዚአሆሙ፡ በፍኖተ፡ ኩኅኔ፡ ጽድቅ፡ ዘእግዚአብሔር፡ ልዑል፡
 ወይትናገሩ፡ ኩሎሙ፡ በ፩ ቃል፡ ወይባርኩ፡ ወይሴብሐ፡ ወያሌዕሉ፡ ወይዌድሱ፡
 በስሙ፡ ለእግዚእ፡ መናፍስት፡ ።
 ወይዴውዕ፡ ኩሎ፡ ኅይለ፡ ሰማያት፡ ወኩሎ፡ ቅዱሳነ፡ ዘመልዕልት፡ ወኅይለ፡ እግ
 ዚአብሔር፡ ኪሩቤ፡ ወሱራፊል፡ ወአፍኒን፡ ወኩሎ፡ መላእክተ፡ ኅይል፡ ወኩሎ፡
 መላእክተ፡ አጋእዝተ፡ ወኅሩይ፡ ወካልእ፡ ኅይል፡ እለ፡ ውስተ፡ የብስ፡ ዲብ፡ ማይ፡ በይእቲ፡
 ዕለት፡ ወይነሥኡ፡ ፩ ቃለ፡ ወይባርኩ፡ ወይሴብሐ፡ ወይዌድሱ፡ ወያሌዕሉ፡ በመንፈሰ፡
 ሃይማኖት፡ ወበመንፈሰ፡ ጥብብ፡ ወትዕግሥት፡ ወበመንፈሰ፡ እሕረት፡
 ወበመንፈሰ፡ ኩኅኔ፡ ወሰላም፡ ወበመንፈሰ፡ ግሩት፡ ወይብሉ፡ ኩሎሙ፡ በ፩ ቃል፡ ቡሩክ፡
 ውእቱ፡ ወይትባረክ፡ ስሙ፡ ለእግዚእ፡ መናፍስት፡ ለዓለም፡ ወእስከ፡ ለዓለም፡ ።
 ይባርክዎ፡ ኩሎሙ፡ እለ፡ ኢይነውሙ፡ በመልዕልተ፡ ሰማይ፡ ይባርክዎ፡ ኩሎሙ፡
 ቅዱሳነ፡ እለ፡ ውስተ፡ ሰማይ፡ ወኩሎሙ፡ ኅሩያን፡ እለ፡ የኅድሩ፡ ውስተ፡ ገነተ፡
 ሕይወት፡ ወኩሎ፡ መንፈሰ፡ ብርሃን፡ ዘትክል፡ ባርኮቶ፡ ወሰብሐቶ፡ ወአልዕሎቶ፡
 ወቀድሶቶ፡ ለስምከ፡ ቅዱስ፡ ወኩሎ፡ ዘሥጋ፡ ዘፈድፋድ፡ እምኅይል፡ ትሴብሕ፡
 ወትባርክ፡ ለስምከ፡ ለዓለም፡ ዓለም፡ ።
 እስመ፡ ብዙኅ፡ እሕረቱ፡ ለእግዚእ፡ መናፍስት፡ ወርኅቶ፡ መዓት፡ ወኩሎ፡ ግብሮ፡
 ወኩሎ፡ ኅይሎ፡ በአምጣነ፡ ገብረ፡ ከሠተ፡ ለጻድቃን፡ ወለኅሩያን፡ በስሙ፡ ለእግዚእ፡
 መናፍስት፡ ።

ክፍል፡ ፳፪፡ ።
 ወከመዝ፡ አዘዘ፡ እግዚእ፡ ለነገሥት፡ ወለአዚዛን፡ ወለልዑላን፡ ወለእለ፡ የኅድርዋ፡
 ለምድር፡ ወይብል፡ ክሥቱ፡ አዕይንቲክሙ፡ ወአንሥኡ፡ አቅርንቲክሙ፡ እመ፡ ትክለ፡
 አእምሮቶ፡ ለኅሩይ፡ ።
 ወነበረ፡ እግዚእ፡ መናፍስት፡ ዲብ፡ መንበረ፡ ስብሐቲሁ፡ ወመንፈሰ፡ ጽድቅ፡ ተክዕወ፡
 ዲቤሁ፡ ወነገረ፡ አፋሁ፡ ይቀትል፡ ኩሎ፡ ኃጥአነ፡ ወኩሎ፡ ዐማፅያነ፡ ወእምገጹ፡
 ይትኅገሎ፡ ።
 ወይቀውሙ፡ በይእቲ፡ ዕለት፡ ኩሎሙ፡ ነገሥት፡ ወአዚዛን፡ ወልዑላን፡ ወእለ፡
 ይእኅዝዋ፡ ለየብስ፡ ወይሬእይዎ፡ ወያኦምርዎ፡ ከመ፡ ይነብር፡ ዲብ፡ መንበረ፡ ስብሐቲሁ፡
 ወጻድቃን፡ በጽድቅ፡ ቅድሜሁ፡ ይትኪኅኑ፡ ወነገረ፡ በክ፡ አልቦ፡ ዘይትበሀል፡ በቅድሜሁ፡ ።
 ወይመጽእ፡ ዲቤሆሙ፡ ሕማም፡ ከመ፡ ብእሲት፡ እንተ፡ ውስተ፡ ማሕመም፡ ወየዐፅባ፡
 ወሊድ፡ ሰባ፡ ይመጽእ፡ ወልዳ፡ በአፈ፡ ማኅፀን፡ ወተዐፅብ፡ በወሊድ፡ ።
 ወይሬእይ፡ መንፈቆሙ፡ ለመንፈቆሙ፡ ወይደነግፅ፡ ወያቴሕቱ፡ ገጾሙ፡ ወይእኅዘሙ፡
 ሕማም፡ ሰባ፡ ይሬእይዎ፡ ለዝኩ፡ ወልዳ፡ ብእሲት፡ እንዘ፡ ይነብር፡ ዲብ፡ መንበረ፡
 ስብሐቲሁ፡ ።
 ወይሴብሕዎ፡ ወይባርክዎ፡ ወያሌዕልዎ፡ ነገሥት፡ አዚዛን፡ ወኩሎሙ፡ እለ፡ ይእኅዝዋ፡
 ለምድር፡ ለዘይመልክ፡ ኩሎ፡ ዘኅቡእ፡ ።
 እስመ፡ እምቅድም፡ ኅቡኣ፡ ኮነ፡ ወልዳ፡ እንለ፡ እመሕያው፡ ወዐቀቦ፡ ልዑል፡ በቅድመ፡
 ኅይሎ፡ ወከሠቶ፡ ለኅሩያን፡ ።
 ወይዘራእ፡ ማኅበረ፡ ቅዱሳን፡ ወኅሩያን፡ ወይቀውሙ፡ በቅድሜሁ፡ ኩሎሙ፡ ኅሩያን፡
 በይእቲ፡ ዕለት፡ ።

ወይወድቁ፡ኩሎሙ፡ነገሥት፡አዚዛን፡ወልዑላን፡ወእለ፡ይመልክዋ፡ለየብስ፡
 በቅድሜሁ፡በገጾሙ፡ወይሰግዱ፡ወይሴፈውዎ፡ለዝኩ፡ወልደ፡እንለ፡እመሕያው፡
 ወያስተባብራዎ፡ወይሰእሉ፡እሕረተ፡እምግቤሁ፡።
 ወያጌጉዎሙ፡እንከ፡ውእቱ፡እግዚአ፡መናፍስት፡ከመ፡ያፍጥኑ፡ወይዳኡ፡እምቅድመ፡
 ገዱ፡ወገጾሙ፡ይመልእ፡ግፍረተ፡ወጽልመተ፡ይትዌሰክ፡ገጾሙ፡።
 ወይትሜጠውዎሙ፡መላእክተ፡መቅሠፍት፡ከመ፡ይትፈደዩ፡እምኔሆሙ፡ዘገፍእዎሙ፡
 ለደቂቁ፡ወለጎሩያነ፡ዚአሁ፡።
 ወይከውኑ፡አርአያ፡ለጸድቃን፡ወለጎሩያነ፡ዚአሁ፡ቦሙ፡ይትፈሥሐ፡እስመ፡መዐቱ፡
 ለእግዚአ፡መናፍስት፡ዲቤሆሙ፡ቃአርፍ፡ወመጥባሕቱ፡ለእግዚአ፡መናፍስት፡ትሰክር፡
 እምኔሆሙ፡።
 ወጸድቃን፡ወጎሩያን፡ይድኅኑ፡በይእቲ፡ዕለት፡ወገጾሙ፡ለኃጥኣን፡ወለዐማፅያን፡
 ኢይሬእዩ፡እምይእኬ፡።
 ወእግዚአ፡መናፍስት፡ዲቤሆሙ፡የኅድር፡ወምስለ፡ዝኩ፡ወልደ፡እንለ፡እመሕያው፡
 የኅድሩ፡ወይበልዑ፡ወይሰክቡ፡ወይትነሥኡ፡ለዓለመ፡ዓለም፡።
 ወተንሥኡ፡ጸድቃን፡ወጎሩያን፡እምድር፡ወጎደጉ፡አትሕቶ፡ገጾሙ፡ወለብሱ፡ልብስ፡
 ሕይወት፡።
 ወውእቱ፡ይከውን፡ልብስ፡ሕይወት፡ቦኅበ፡እግዚአ፡መናፍስት፡ወአልባሲክሙኒ፡
 ኢይበልዩ፡ወስብሐቲክሙ፡ኢየኅልቅ፡በቅድመ፡እግዚአ፡መናፍስት፡።

ክፍል ፳፫፡።

በእማንቱ፡መዋዕል፡ያስተባብራው፡ነገሥት፡አዚዛን፡እለ፡ይእኅዝዋ፡ለየብስ፡እመላእክተ፡
 መቅሠፍቱ፡ቦኅበ፡ሀለው፡ምጥዋነ፡ከመ፡የሀቦሙ፡ዕረፍተ፡ንስቲተ፡ወከመ፡ይደቁ፡
 ወይሰግዱ፡በቅድመ፡እግዚአ፡መናፍስት፡ወይትአመኑ፡ግጢአቶሙ፡
 በቅድሜሁ፡።
 ወይባርክዎ፡ወይሴብሐዎ፡ለእግዚአ፡መናፍስት፡ወይብሉ፡ቡሩክ፡ውእቱ፡
 እግዚአ፡መናፍስት፡ወእግዚአ፡ነገሥት፡እግዚአሙ፡ለአዚዛን፡ወእግዚአ፡ለባዕል፡
 ወእግዚአ፡ስብሐት፡ወእግዚአ፡ጥቡብ፡ወይበርህ፡ኩሎ፡ጎቡእ፡።
 ወጎይልከ፡ለትውልደ፡ትውልድ፡ወስብሐቲክ፡ለዓለመ፡ዓለም፡ዕሙቅ፡ውእቱ፡
 ጎቡአተ፡ዚአከ፡ኩሎ፡ወኅሉልቃ፡አልቦ፡ወጽድቀ፡ዚአከ፡ሐሳብ፡አልቦ፡።
 ይእኬ፡አእመርነ፡ከመ፡ንሰብሐ፡ወንባርኮ፡ለእግዚአ፡ነገሥት፡ወለዚይነግሥ፡ዲብ፡
 ኩሎሙ፡ነገሥት፡።
 ወይብሉ፡መኑ፡ወሀበነ፡ዕረፍተ፡ከመ፡ንሰብሐ፡ወናእኩቶ፡ወንባርኮ፡ወንእመን፡
 ቅድመ፡ስብሐቲሁ፡።
 ወይእኬኒ፡ንስቲተ፡ዕረፍተ፡ንትሜነይ፡ወኢንረክብ፡ንሰደድ፡ወኢንእኅዝ፡ወብርሃን፡
 እምቅድሜነ፡ጎለፈ፡ወጽልመተ፡እንባርነ፡ለዓለመ፡ዓለም፡።
 እስመ፡በቅድሜሁ፡ኢአመነ፡ወኢሰባሕነ፡በስሙ፡ለእግዚአ፡ነገሥት፡ወኢሰባሕነሁ፡
 ለእግዚእ፡በኩሎ፡ተግባሩ፡ወተሰፋነ፡ኮነ፡ዲብ፡በትረ፡መንግሥትነ፡ወስብሐቲነ፡።
 ወበዕለተ፡ስራሕነ፡ወምንደቤነ፡ኢያድኅነነ፡ወኢንረክብ፡ዕረፍተ፡ንእመን፡እስመ፡
 መሃይምን፡ውእቱ፡እግዚእነ፡በኩሎ፡እግባሩ፡ወበኩሎ፡ኩነኔሁ፡ወጽድቁ፡ወገጾ፡
 ኩነኔሁ፡ኢይነሥኡ፡።
 ወነኅልፍ፡እምገዱ፡በእንተ፡እግባሩ፡ወኩሎ፡ግጢአትነ፡በጽድቅ፡ተኑለቁ፡። ይእኬ፡
 ይቤልዎሙ፡ትፀግብ፡ነፍስነ፡እምንዋየ፡ዐመዳ፡ወኢትከልእ፡ወሪዶተነ፡እምላህባ፡
 ለክባደ፡ሲአል፡።
 ወእምድኅረዝ፡ይመልእ፡ገጾሙ፡ጽልመተ፡ወጎፍረተ፡በቅድመ፡ዝኩ፡ወልደ፡እንለ፡
 እመሕያው፡ወእምቅድመ፡ገዱ፡ይሰደዱ፡ወሰይፍ፡የኅድር፡ቅድመ፡ገዱ፡
 ማእከሎሙ፡።
 ወከመዝ፡ይቤ፡እግዚአ፡መናፍስት፡ዝንቱ፡ውእቱ፡ሥርዐቶሙ፡ወኩነኔሆሙ፡
 ለአዚዛን፡ወለነገሥት፡ወለልዑላን፡ወለእለ፡ይእኅዝዋ፡ለየብስ፡በቅድመ፡እግዚአ፡
 መናፍስት፡።

ክፍል : ፳፬፡፡

ወካልኦ፡ ገጸተ፡ ርኢኩ፡ በውእቱ፡ መካን፡ ኅቡኣተ፡፡
ሰማዕኩ፡ ቃሎ፡ ለመልአክ፡ እንዘ፡ ይብል፡ እሉ፡ እሙንቱ፡ መላእክት፡ እለ፡ ወረዱ፡
እምሰማይ፡ ዲበ፡ እድር፡ ወዘኅቡእ፡ ከሠቱ፡ ለውሉደ፡ ሰብእ፡ ወአስተትዎሙ፡
ለውሉደ፡ ሰብእ፡ ከመ፡ ይግበሩ፡ ኅጢአተ፡፡

ምዕራፍ : ፲፩፡፡

ክፍል : ፳፭፡፡

ወበእማንቱ፡ መዋዕል፡ ርእየ፡ ኖኅ፡ እድረ፡ ከመ፡ አድነነት፡ ወከመ፡ ቅሩብ፡ ሐጉላ፡፡
ወአንሥኦ፡ እገራሁ፡ እምሆየ፡ ወሐረ፡ እስከ፡ አጽናፈ፡ እድር፡ ወጸርኅ፡ ለእምሔው፡
ሄኖክ፡ ወይቤ፡ ኖኅ፡ በቃል፡ መሪር፡ ስምዐኒ፡ ስምዐኒ፡ ስምዐኒ፡ ሥልሰ፡፡
ወይቤሎ፡ ንግረኒ፡ እንት፡ ውእቱ፡ ዘይትገበር፡ በዲበ፡ እድር፡ እስመ፡ ከመዝ፡ ሰርሐት፡
እድር፡ ወአንቀልቀለት፡ ዮጊ፡ አነ፡ እትኅገጐል፡ ምስሌሃ፡፡
ወበድኅረ፡ ውእቱ፡ ጊዜ፡ ኮነ፡ ሀውክ፡ ዐቢይ፡ ዲበ፡ እድር፡ ወተሰምዐ፡ ቃል፡ እምሰማይ፡
ወወደቁ፡ በገጽዮ፡፡
ወመጽኦ፡ ሄኖክ፡ እምሔውዮ፡ ወቆመ፡ ኅቤየ፡ ወይቤለኒ፡ ለምንት፡ ጸራኅከ፡ ኅቤየ፡
ጽራኅ፡ መሪር፡ ወብካዮ፡፡
ወትእዛዝ፡ ወፅኦ፡ እምኅበ፡ ገጸ፡ እግዚእ፡ ዲበ፡ እለ፡ ዮኅድሩ፡ ውስተ፡ ዮብስ፡ ከመ፡
ውእቱ፡ ይኩን፡ ኅልቀቶሙ፡ እስመ፡ አእመሩ፡ ኩሎ፡ ኅቡኣተ፡ መላእክት፡ ወኩሎ፡
ግፍዐ፡ ሰይጣናት፡ ወኩሎ፡ ኅይሎሙ፡ ኅቡኦ፡ ወኩሎ፡ ኅይሎሙ፡ ለእለ፡ ይገብሩ፡
ሥራያተ፡ ወኅይሎሙ፡ ለኅብራት፡ ወኅይሎሙ፡ ለእለ፡ ይሠብኩ፡ ሥብኩ፡ ኩሎ፡
እድር፡፡
ወእስኩ፡ እፎ፡ ይትወለድ፡ ብሩር፡ እምጸበለ፡ እድር፡ ወእፎ፡ ይከውን፡ ኅጠብጣብ፡ ዲበ፡
እድር፡፡
እስመ፡ ዐረር፡ ወናእክ፡ ኢይትወለድ፡ እምድር፡ ከመ፡ ቀዳሚ፡ ነቅዕ፡ ውእቱ፡
ዘይወልዶሙ፡ ወመልአክ፡ ዘይቀውም፡ ውስቴታ፡ ወይበድር፡ ውእቱ፡ መልአክ፡፡
ወእምድኅረዝ፡ አኅዘኒ፡ እምሔውዮ፡ ሄኖክ፡ በእዳሁ፡ ወአንሥኦኒ፡ ወይቤለኒ፡ ሐር፡
እስመ፡ ተስእልክዎ፡ ለእግዚእ፡ መናፍስት፡ በእንተዝ፡ ሀውክ፡ ዘዲበ፡ እድር፡፡
ወይቤለኒ፡ በእንተ፡ ዐመፀሆሙ፡ ተፈጸመት፡ ኩኅኔሆሙ፡ ወኢይትኄለቀኅ፡ በቅድሜየ፡
በእንተ፡ አውራኅ፡ ዘኅሠሠ፡ ወአእመሩ፡ ከመ፡ እድር፡ ትትሐገጐል፡ ወእለ፡ ዮኅድሩ፡ ዲቤሃ
፡፡
ወለእሉ፡ እግባእ፡ አልቦሙ፡ ለዓለም፡ እስመ፡ አርአይዎሙ፡ ዘኅቡእ፡ ወእለ፡ ተኩኅኑ፡
ወአኮ፡ ለከ፡ አንተ፡ ወልድዮ፡ አእመረ፡ እግዚእ፡ መናፍስት፡ እስመ፡ ንጹሕ፡ ወኑር፡ አንተ፡
እምዝ፡ ሐረስ፡ ዘኅቡኣት፡፡ ወአጽንዖ፡ ለስምከ፡ በማዕከለ፡ ቅዱሳን፡ ወየዐቅበከ፡ እምእለ፡
ዮኅድሩ፡ ዲበ፡ ዮብስ፡ ወአጽንዖ፡ ለዘርእከ፡ በጽድቅ፡ ለነገሥት፡ ወለሱብሐት፡ ዐቢያት፡
ወእምዘርእከ፡ ይወፅእ፡ ነቅዐ፡ ጻድቃን፡ ወቅዱሳን፡ ወኑልቀኅ፡ አልቦሙ፡ ለዓለም፡፡

ክፍል : ፳፮፡፡

ወእምድኅረዝ፡ አርአየኒ፡ መላእክተ፡ መቅሠፍት፡ እለ፡ ድልዎን፡ ከመ፡ ይምጽኡ፡
ወይፍትሐ፡ ኩሎ፡ ኅይለ፡ ማይ፡ ዘመትሕተ፡ እድር፡ ከመ፡ ይኩን፡ ለኩኅኔ፡ ወለሐጉል፡
ለኩሎሙ፡ እለ፡ ይነብሩ፡ ወዮኅድሩ፡ ዲበ፡ ዮብስ፡፡
ወአዘዘ፡ እግዚእ፡ መናፍስት፡ መላእክተ፡ እለ፡ ይወፅኡ፡ ከመ፡ ኢያንሥኡ፡ እደወ፡
ወይዕቀቡ፡ እስመ፡ እልክቱ፡ መላእክት፡ ዲበ፡ ኅይለ፡ ማያት፡ ሀለው፡፡
ወወፀኡ፡ እምቅድመ፡ ገጸ፡ ሄኖክ፡፡

ክፍል : ፳፯ ::

ወበእማንቱ : መዋዕል : ኮነ : ቃለ : እግዚአብሔር : ኅቤየ : ወይቤለኒ : ኖሳ : ናሁ : ክፍልከ :
 ዐርገ : ኅቤየ : ክፍል : ዘአልቦቱ : ሒስ : ክፍለ : ፍቅር : ወርትዕ ::
 ወይእዜኒ : ይገብሩ : መላእክት : ዕፀወ : ወሰባ : ወፅኡ : ለውእቱ : መልእክት : እወዲ :
 እዴየ : ዲቤሃ : ወአዐቅባ : ወትከውን : እምኔሃ : ዘርኦ : ሕይወት : ወተውላጠ : ይባእ : ከመ :
 ኢይንበር : የብስ : ዕራቆ ::
 ወአጸንዖ : ለዘርእከ : በቅድሜየ : ለዓለመ : ዓለም ፤ ወእዘርኦሙ : ለእለ : የኅድሩ : እስሌክ :
 ውስተ : ገጸ : የብስ : ወይትባረክ : ወይትባዛሳ : ቅድመ : የብስ : በስሙ : ለእግዚእ ::
 ወየዐፀውዎሙ : ለእልክቱ : መላእክት : እለ : አርኦይዋ : ለዐመፃ : ውስተ : ይእቲ : ቈላ :
 እንተ : ትኅድድ : እንተ : አርኦየኒ : ቀዳሚ : እምሔውየ : ሄኖክ : በዐረብ : በኅብ : አድባረ :
 ወርቅ : ወብሩር : ወሐዲን : ወነጠብጣብ : ወናእክ ::
 ወርኢክዋ : ለይእቲ : ቈላ : እንተ : ሀውክ : ዐቢይ : ባቲ : ወተሀውኮ : ማያት ::
 ወዝንቱ : ኩሉ : ሰባ : ተገብረ : እምውእቱ : ነጠብጣብ : እሳት : ወሀውኮሙ : ዘየሀውኮሙ :
 በውእቱ : መካን : ተወልደ : ዪና : ተይ : ወተኅብረ : እስለ : እልኩ : ማያት : ወይእቲ : ቈላ :
 እንተ : መላእክት : እለ : አስሐቱ : ትኅድድ : መትሕተ : ይእቲ : እድር ::
 ወእንተ : ቈላተ : ዚአሃ : አፍላገ : እሳት : ይወፅኡ : በኅብ : ይትኪኑኑ : እልክቱ : መላእክት :
 እለ : አስሐትዎሙ : ለእለ : የኅድሩ : ዲብ : የብስ ::
 ወይከውኑ : እልክቱ : ማያት : በእማንቱ : መዋዕል : ለነገሥት : ወለአዚዛን : ወለልዑላን :
 ወለእለ : የኅድሩ : ዲብ : የብስ : ለፈውሰ : ነፍስ : ወሥጋ : ወለኩኑኑ : መንፈስ :
 ወተውኔተ : ይመልእ : መንፈሶሙ : ከመ : ይትኪኑኑ : ሥጋሆሙ : እስመ : ክህድዎ : ለእግ
 ዚአ : መናፍስት : ወይሬእዩ : ኩኑኔሆሙ : እንተ : ኩሉ : ዕለት : ወኢየኦምኑ : በስሙ ::
 ወከመ : ብዙኅ : ውዕየ : ሥጋሆሙ : ከመዝ : ቦሙ : ተውላጥ : ለመንፈስ : ለዓለመ : ዓለም :
 እስመ : አልቦ : በቅድመ : እግዚአ : መናፍስት : ዘይትናገር : በነገረ : በክ ::
 እስመ : ትመጽእ : ኩኑኑ : ዲቤሆሙ : እስመ : የኦምኑ : በተውኔተ : ሥጋሆሙ : ወመንፈስ :
 እግዚእ : ይክህዱ ::
 ወኪያሁ : ማያት : በውእቱ : መዋዕል : ቦሙ : ተውላጥ : እስመ : ሰባ : ይትኪኑኑ : እልኩ :
 መላእክት : በውእቱ : መዋዕል : ይትዌለጥ : ዋዕዮሙ : ለእልክቱ : አንቅዕተ : ማያት : ወሰባ :
 የዐርገ : መላእክት : ይትዌለጥ : ዝኩ : ማይ : ዘአንቅዕት : ወይቈርር ::
 ወሰማዕክዎ : ለቅዱስ : ሚካኤል : እንዘ : ያወሥእ : ወይብል : ዛቲ : ኩኑኑ : እንተ :
 ይትኪኑኑ : መላእክት : ሰማዕት : ይእቲ : ለነገሥት : ወለአዚዛን : ወለእለ : ይእኅዝዋ : ለየብስ
 ::
 እስመ : እሉ : ማያተ : ኩኑኑ : ለፈውሰ : ዚአሆሙ : ለመላእክት : ወለሞተ : ሥጋሆሙ :
 ወኢይሬእዩ : ወኢየኦምኑ : ከመ : ይትመየጡ : እሙንቱ : ማያት : ወይከውኑ : እሳተ :
 ዘይኅድድ : ለዓለም ::

ክፍል : ፳፰ ::

ወእምድኅረዝ : ወሀበኒ : ትእምርተ : ኩሎሙ : ኅብአት : በመጽሐፍ : እምሔውየ : ሄኖክ :
 ወምሳልያተ : ዘተውህባ : ሎቱ : ወደመርሙ : ሊተ : በነገረ : መጽሐፍ : ዘምሳሌ ::
 ወበይእቲ : ዕለት : አውሥኦ : ቅዱስ : ሚካኤል : እንዘ : ይብል : ለሩፋኤል : ኅይሉ :
 ለመንፈስ : ይመስጠኒ : ወያምዕዐኒ : ወበእንተ : ዕፀቡ : ለኩኑኑ : እንተ : ኅቡአት : ለኩኑኑ :
 መላእክት : መኑ : ውእቱ : ዘይክል : ተዐግሦተ : ዕፀብ : ለእንተ : ተገብረት : ኩኑኑ :
 ወነበረት : ወይትመሰው : በቅድሜሃ ::
 ወአውሥኦ : ካዕባ : ወይቤሎ : ቅዱስ : ሚካኤል : ለሩፋኤል : መኑ : ውእቱ : ዘኢያረኅርሳ :
 ልቦ : ዲቤሃ : ወኢይትሀወክ : ኩልያቲሁ : እምዛቲ : ቃል ፤ ኩኑኑ : ወፅኦት : ዲቤሆሙ :
 እምኔሆሙ : ዘአውፅእዎሙ : ከመዝ ::
 ወኮነ : ሰባ : ቆመ : በቅድመ : እግዚአ : መናፍስት : ወከመዝ : ይቤሎ : ቅዱስ : ሚካኤል :
 ለሩፋኤል : ወኢይከውን : ሎሙ : በውስተ : ዐይነ : እግዚእ : እስመ : እግዚአ : መናፍስት :
 ተምዕዖሙ : እስመ : በአምሳለ : እግዚእ : ይገብሩ ::

በእንተዝ፡ ይመጽእ፡ ሳዕሌሆሙ፡ ኩነኔ፡ ዘኅቡእ፡ ለዓለሙ፡ ዓለም፡ እስመ፡ ኢመልክክ፡
ወኢብእሲ፡ ኢይትሜጠው፡ መክፈልቶ፡ ካላ፡ እሙንቱ፡ ባሕቲቶሙ፡ ተመጠው፡ ኩነኔ፡
ዚአሆሙ፡ ለዓለሙ፡ ዓለም፡ ።

ክፍል፡ ፳፱፡ ፡
ወእምድኅረዝ፡ ኩነኔ፡ ያደነግፅዎሙ፡ ወያምዕዕዎሙ፡ እስመ፡ ዘንተ፡ ኦርኦቶ፡ ለእለ፡
የኅድሩ፡ ዲበ፡ የብስ፡ ።
ወነዋ፡ ኦሰማቲሆሙ፡ ለእልክቱ፡ መላእክት፡ ወዝንቱ፡ ውእቱ፡ ኦሰማቲሆሙ፡ ቀዳማየ፡
ዚአሆሙ፡ ስምያዛ፤ ወካልኡ፡ ኦርስጢቂፋ፤ ወሣልስ፡ ኦርሜን፤ ወራብዕ፡ ከከባኤል፤
ወኃምስ፡ ጡርኤል፤ ወሳድስ፡ ሩምያል፤ ወሳብዕ፡ ዳንኤል፤ ወሳምን፡ ኑቃኤል፤ ወታስዕ፡
በራቅኤል፤ ወዓሥር፡ ኦዛዝኤል፤ ፲ ወ ፩ኦርምርስ፤ ፲ ወ ፪ በጠርያል፤ ፲ ወ ፫ በሰሳኤል፤
፲ ወ ፬ ኦናንኤል፤ ፲ ወ ፭ ጡርያል፤ ፲ ወ ፮ ሲማፒሲኤል፤ ፲ ወ ፯ ይተርኤል፤ ፲ ወ ፰ ቱማኤል፤
፲ ወ ፱ ጠርኤል፤ ፳ ሩማኤል፤ ፳ ወ ፶ ኢዜኤል፡ ።
ወእሉ፡ እሙንቱ፡ ኦርእስተ፡ መላእክቲሆሙ፡ ወኦሰማቲሆሙ፡ ለመኩንነ፡ ፻ ዚአሆሙ፤
ወመኩንነ፡ ፶ ዚአሆሙ፤ ወመኩንነ፡ ፲ ዚአሆሙ፡ ።
ስሙ፡ ለቀዳማዊ፡ ይቂን፡ ወዝንቱ፡ ዘእስተተ፡ ኩሎሙ፡ ደቂቀ፡ መላእክት፡ ቅዱሳን፡
ወኦራረዶሙ፡ ዲበ፡ የብስ፡ ወኦስተቶሙ፡ በኦዋልደ፡ ሰብእ፡ ።
ወካልእ፡ ስሙ፡ ኦስብኤል፡ ዝንቱ፡ ኦመርሙ፡ እክረ፡ እኩየ፡ ለደቂቀ፡ መላእክት፡ ቅዱሳን፡
ወኦስተቶሙ፡ ከመ፡ ያማስኑ፡ ሥጋሆሙ፡ በኦዋልደ፡ ሰብእ፡ ወሣልስ፡ ስሙ፡ ጋድርኤል፡
ዝውእቱ፡ ዘኦርኦየ፡ ኩሎ፡ ዝብጠታተ፡ ሞት፡ ለውሎደ፡ ሰብእ፡ ወውእቱ፡ ኦስተታ፡
ለሑዋን፡ ወውእቱ፡ ኦርኦየ፡ ንዋየ፡ ሞት፡ ለደቂቀ፡ ሰብእ፡ ወድርዐ፡ ወወልታ፡ ወሰይፈ፡
ለቀትል፡ ወኩሎ፡ ንዋየ፡ ሞት፡ ለውሎደ፡ ሰብእ፡ ።
ወእምነ፡ እዴሁ፡ ወፅኦ፡ ዲቤሆሙ፡ ለእለ፡ የኅድሩ፡ ዲበ፡ የብስ፡ እምይእቲ፡ ጊዜ፡
ወእስከ፡ ለዓለም፡ ።
ወራብዕ፡ ስሙ፡ ፔኔሙዕ፡ ዝንቱ፡ ኦርኦየ፡ ለውሎደ፡ ሰብእ፡ መሪረ፡ ወመዐርዒረ፡
ወኦርኦየሙ፡ ኩሎ፡ ኅቡኣተ፡ ጥበቡሙ፡ ።
ውእቱ፡ ኦሰበዎሙ፡ ለሰብእ፡ መጽሐፈ፡ ወበማየ፡ ሕመት፡ ወክርታስ፡ ወበእንተዝ፡
ብዙኃን፡ እለ፡ ስሕቱ፡ እምዓለም፡ ወእስከ፡ ለዓለም፡ ወእስከ፡ ዛቲ፡ ዕለት፡ ።
እስመ፡ ኢተወልደ፡ ሰብእ፡ ለዝ፡ ከመዝ፡ በቀለም፡ ወበማየ፡ ሕመት፡ ያጽንዑ፡ ሃይማኖቶሙ፡
።
እስመ፡ ኢተፈጥረ፡ ሰብእ፡ ዘእንበለ፡ ከመ፡ መላእክት፡ ከመ፡ ይንበሩ፡ ጳድቃነ፡ ወንጹሓነ፡
ወሞት፡ ዘኩሎ፡ ያማስን፡ እምኢገሰሰሙ፡ ካላ፡ በዝ፡ ኦእምርቶሙ፡ ይትኅገሉ፡
ወበዝንቱ፡ ኅይል፡ ይበልዐኒ፡ ።
ወኃምስ፡ ስሙ፡ ከስድያዕ፡ ዝንቱ፡ ኦርኦየ፡ ለውሎደ፡ ሰብእ፡ ኩሎ፡ ዝብጠታተ፡ እኩየ፡
ዘነፍሳት፡ ወዘኦጋንንት፡ ወዝብጠታተ፡ ጳእጳእ፡ በማኅፀን፡ ከመ፡ ይደቅ፡ ወዝብጠታተ፡
ነፍስ፡ ንስከተ፡ ኦርዌ፡ ወዝብጠተ፡ ዘይከውን፡ በቀትር፡ ወልዳ፡ ለኦርዌ፡ ዘስሙ፡ ተባዕት፡ ።
ወዝንቱ፡ ውእቱ፡ ኅልቂ፡ ለክስብኤል፡ ርእሰ፡ መሐላ፡ ዘኦርኦየ፡ ለቅዱሳን፡ ሰብ፡ የኅድር፡
ልዑል፡ በስብሐት፡ ወስሙ፡ ቤቃ፡ ።
ወዝንቱ፡ ይቤሎ፡ ለቅዱስ፡ ሚካኤል፡ ያርእዮሙ፡ ስሙ፡ ኅቡኦ፡ ከመ፡ ይርክይዎ፡
ለውእቱ፡ ስም፡ ኅቡእ፡ ወከመ፡ ይዝክርዎ፡ በመሐላ፡ ከመ፡ ይርዐዱ፡ እምውእቱ፡ ስም፡
ወመሐላ፡ እለ፡ ኦርኦየ፡ ለውሎደ፡ ሰብእ፡ ኩሎ፡ ዘኅቡእ፡ ።
ወዝንቱ፡ ኅይሉ፡ ለዝ፡ መሐላ፡ እስመ፡ ኅይል፡ ውእቱ፡ ወጽኑዕ፡ ወኦንበሮ፡ ለዝ፡ መሐላ፡
ኦካዕ፡ በእዴሁ፡ ለቅዱስ፡ ሚካኤል፡ ።
ወእሉ፡ እሙንቱ፡ ኅቡኣቲሁ፡ ለዝ፡ መሐላ፡ ወጽንዑ፡ በመሐላሁ፡ ወሰማይ፡ ተሰቅለ፡
ዘእንበለ፡ ይትፈጠር፡ ዓለም፡ ወእስከ፡ ለዓለም፡ ።
ወቦቱ፡ እድር፡ ተሳረረት፡ ዲበ፡ ማይ፡ ወእምነ፡ ኅቡኣተ፡ ኦድባር፡ ይመጽኦ፡ ላህያት፡
ለሕያዎን፡ ማያት፡ እምፍጥረተ፡ ዓለም፡ ወእስከ፡ ለዓለም፡ ።
ወበውእቱ፡ መሐላ፡ ተፈጥረት፡ ባሕር፡ ወመሠረታ፡ ለጊዜ፡ መዐት፡ ኦንበረ፡ ላቲ፡ ሞፃ፡
ወኢተኅልፍ፡ እምፍጥረተ፡ ዓለም፡ ወእስከ፡ ለዓለም፡ ።

ወበውእቱ፡ መሐላ፡ ቀላያት፡ ጸንዑ፡ ወቆሙ፡ ወኢይትሐውሱ፡ እመካኖሙ፡ እምዓለም፡
 ወእስከ፡ ለዓለም፡ ።
 ወበውእቱ፡ መሐላ፡ ፀሐይ፡ ወወርሃ፡ ይፌጽሙ፡ እሕዋሮሙ፡ ወኢየሳል፡
 እምትእዘዘሙ፡ እምዓለም፡ ወእስከ፡ ለዓለም፡ ።
 ወበውእቱ፡ መሐላ፡ ከዋክብት፡ ይፌጽሙ፡ እሕዋሮሙ፡ ወአስማቲሆሙ፡ ይዴውዕ፡
 ወያወሥእዎ፡ እምዓለም፡ ወእስከ፡ ለዓለም፡ ።
 ወከመዝ፡ ለማይ፡ ነፍሳቲሆሙ፡ ለነፋሳት፡ ወለኩሎሙ፡ መንፈሳት፡ ወፍናዋቲሆሙ፡
 እምኩሎ፡ ኅብራተ፡ መናፍሶት፡ ።
 ወበሆየ፡ ይትዐቀብ፡ መዛግብተ፡ ቃሉ፡ ለነገድጓድ፡ ወብርሃኑ፡ ለመብረቅ፡ ወበሆየ፡
 ይትዐቀብ፡ መዛግብተ፡ በረድ፡ ወአስሐትያ፡ ወመዛግብተ፡ ጊሜ፡ ወመዛግብተ፡ ዝናም፡
 ወጠል፡ ።
 ወኩሎሙ፡ እሙንቱ፡ የእምኑ፡ ወያኦኩቱ፡ በቅድመ፡ እግዚአ፡ መናፍሶት፡ ወይሴብሐ፡
 በኩሎ፡ ኅይሎሙ፡ ወሲሳዮሙ፡ በኩሎ፡ አኩቱት፡ ይእቲ፡ ወያኦኩቱ፡ ወይሴብሐ፡
 ወያሌዕሎ፡ በስሙ፡ ለእግዚአ፡ መናፍሶት፡ ለዓለመ፡ ዓለም፡ ።
 ወዲሴሆሙ፡ ጸንዑ፡ ዝመሐላ፡ ወይትዐቀቡ፡ ቦቱ፡ ወፍናዊሆሙ፡ ይትዐቀቡ፡
 ወምሕዋራቲሆሙ፡ ኢይማስን፡ ።
 ወኮኖሙ፡ ፍሥሐ፡ ዐቢየ፡ ወባረኩ፡ ወሰብሐ፡ ወአልዐሎ፡ በእንተ፡ ዘተከሥተ፡ ሎሙ፡
 ስሙ፡ ለውእቱ፡ ወልደ፡ እንለ፡ እመሕያው፡ ።
 ወነበረ፡ ዲበ፡ መንበረ፡ ስብሐቲሁ፡ ወርእሱ፡ ለኩነኔ፡ ተውህበ፡ ሎቱ፡ ለወልደ፡ እንለ፡
 እምሕያው፡ ወያኅልፍ፡ ወያማስን፡ ኃጥአነ፡ እምገጸ፡ ለምድር፡ ወእለ፡ አስሐትዎ፡
 ለዓለም፡ ።
 በሰናስል፡ ይትአሠሩ፡ ወበማኅበሮሙ፡ ዘሙስና፡ ይትዐፀው፡ ወኩሎ፡ ምግባሮሙ፡ የኅልፍ፡
 እምቅድመ፡ ገጸ፡ እድር፡ ።
 ወእምይእዜሰ፡ ኢይከውን፡ ዘይማስን፡ እስመ፡ ውእቱ፡ ወልደ፡ ብእሲ፡ ተርእየ፡ ወነበረ፡
 ዲበ፡ መንበረ፡ ስብሐቲሁ፡ ወኩሎ፡ እኩይ፡ እምቅድመ፡ ገጸ፡ የኅልፍ፡ ወየሐውር፡
 ወነገፋ፡ ለውእቱ፡ ወልደ፡ ብእሲ፡ ይጸንዕ፡ በቅድመ፡ እግዚአ፡ መናፍሶት፡
 ዝውእቱ፡ እሳሌ፡ ሣልስ፡ ዘሄኖክ፡ ።

ምዕራፍ፡ ፲፪፡

ክፍል፡ ፸፡

ወኮነ፡ እምድኅረዝ፡ ተለዐለ፡ ስሙ፡ ሕያው፡ በኅቤሁ፡ ለውእቱ፡ ወልደ፡ እንለ፡
 እመሕያው፡ በኅበ፡ እግዚአ፡ መናፍሶት፡ እምእለ፡ የኅድሩ፡ ዲበ፡ የብስ፡
 ወተለዐለ፡ በሠረገላተ፡ መንፈስ፡ ወወፅአ፡ ስም፡ በማእከሎሙ፡ ።
 ወእምይእቲ፡ ዕለት፡ ኢተስሕብኩ፡ በማእከሎሙ፡ ወአንበረኒ፡ በማእከለ፡ ፪ መናፍሶት፡
 በማእከለ፡ መስዕ፡ ወዐረብ፡ በኅበ፡ ነሥኡ፡ አኅባላተ፡ መላእክት፡ ከመ፡ ይስፍሩ፡ ሊተ፡ መካነ፡
 ለኅሩያን፡ ወለጸድቃን፡ ።
 ወበሆየ፡ ርኢኩ፡ አበወ፡ ቀደምተ፡ ወጸድቃነ፡ እለ፡ እምዓለም፡ በውእቱ፡ መካን፡
 የኅድሩ፡ ።

ክፍል፡ ፸፩፡

ወኮነ፡ እምድኅረዝ፡ ከመ፡ ትትከበት፡ መንፈስየ፡ ወትዕርግ፡ ውስተ፡ ሰማያት፡ ርኢክዎሙ፡
 ለውሎዶሙ፡ ለመላእክት፡ ይከይዱ፡ ዲበ፡ ላህበ፡ እሳት፡ ወአልባሲሆሙ፡ ፀዐዳ፡
 ወዐጽፎሙኒ፡ ወብርሃነ፡ ገጸሙ፡ ከመ፡ በረድ፡ ።
 ወርኢኩ፡ ፪አፍላገ፡ እሳት፡ ወብርሃነ፡ ዝኩ፡ እሳት፡ ከመ፡ ያክንት፡ ያበርህ፡ ወወደቁ፡
 በገጽየ፡ ቅድመ፡ እግዚአ፡ መናፍሶት፡ ።
 ወሚካኤል፡ መልአክ፡ ፩እምእርእስተ፡ መላእክት፡ ኦኅዘኒ፡ እዴየ፡ ዘየማን፡ ወአንሥኡኒ፡
 ወአውፅኡኒ፡ ኅበ፡ ኩሎ፡ ኅቡኣተ፡ ምሕረት፡ ወኅቡኣተ፡ ጽድቅ፡ ።

ወኦርአዮሊ፡ ኩሎ፡ ጎቡኣተ፡ አጽናፈ፡ ሰማይ፡ ወኩሎ፡ መዘግብተ፡ ከዋክብት፡
 ወብርሃናት፡ ኩሎሙ፡ እምነብ፡ ወፅኡ፡ ለገጸ፡ ቅዱሳን፡፡
 ወከበቶ፡ መንፈስ፡ ለሄኖክ፡ ውስተ፡ ሰማየ፡ ሰማያት፤ ወርኢኩ፡ በህየ፡ ማእከለ፡ ዝኩ፡
 ብርሃን፡ ከመ፡ ቦቱ፡ ዘይትነደቅ፡ እምእብነ፡ አስተትያ፡ ወማእከለ፡ እሙንቱ፡ አእባን፡
 ልሳናተ፡ እሳት፡ ሕያው፡፡
 ወርእየት፡ መንፈስየ፡ ዐውደ፡ ዘየዐውደ፡ ለውእቱ፡ ቤት፡ እሳት፡ እም፡ ፀአጽናፈሁ፡
 ለውእቱ፡ አፍላግ፡ እሉኣነ፡ እሳት፡ ሕያው፡ ወየዐውድዎ፡ ለውእቱ፡ ቤት፡፡
 ወዐውዱ፡ ሱራፊል፡ ወኪሩቤል፡ ወአፍኒን፡ እሉ፡ እሙንቱ፡ እለ፡ ኢይነውሙ፡
 ወየዐቅቡ፡ መንበረ፡ ስብሐተ፡ ዚአሁ፡፡
 ወርኢኩ፡ መላእክተ፡ እለ፡ ኢይትኹለቁ፡ አእላፈ፡ አእላፋት፡ ወትእልፊተ፡ አእላፋት፡
 የዐውድዎ፡ ለውእቱ፡ ቤት፡ ወሚካኤል፡ ወሩፋኤል፡ ወገብርኤል፡ ወፋኑኤል፡
 ወመላእክት፡ ቅዱሳን፡ እለ፡ መልዕልተ፡ ሰማያት፡ ይበውኡ፡ ወይወፅኡ፡ በውእቱ፡ ቤት፡፡
 ወወፅኡ፡ እምነ፡ ውእቱ፡ ቤት፡ ሚካኤል፡ ወገብርኤል፡ ሩፋኤል፡ ወፋኑኤል፡
 ወብዙኃን፡ ቅዱሳን፡ መላእክት፡ እለ፡ አልቦሙ፡ ተልቀሁ፡፡
 ወምስሌሆሙ፡ ርእሰ፡ መዋዕል፡ ወርእሱ፡ ከመ፡ ፀፆር፡ ፀዐዳ፡ ወንጹሕ፡
 ወልብሱ፡ ዘኢይተረገሙ፡፡
 ወወደቁ፡ በገጽዮ፡ ወኩሎ፡ ሥጋዮ፡ ተመስወ፡ ወመንፈስየ፡ ተወለጠ፡ ወጸራኅኩ፡ በቃል፡
 ዐቢይ፡ በመንፈስ፡ ጎይል፡ ወባረኩ፡ ወሰባሕኩ፡ ወአልዐልኩ፡፡
 ወእሳ፡ በረከታት፡ እለ፡ ወፅኦ፡ እምነ፡ አፋዮ፡ ኮና፡ ሥሙራተ፡ በቅድመ፡ ዝኩ፡ ርእሰ፡
 መዋዕል፡፡
 ወመጽኦ፡ ውእቱ፡ ርእሰ፡ መዋዕል፡ እስለ፡ ሚካኤል፡ ወገብርኤል፡ ሩፋኤል፡ ወፋኑኤል፡
 ወአእላፍ፡ ወትእልፊተ፡ አእላፋት፡ መላእክት፡ እለ፡ አልቦሙ፡ ተልቀሁ፡፡
 ወመጽኦ፡ ጎቤየ፡ ውእቱ፡ መልአክ፡ ወበቃሉ፡ አምነኒ፡ ወይቤለኒ፡ አንተ፡ ውእቱ፡
 ወልደ፡ ብእሲ፡ ዘተወለድከ፡ ለጽድቅ፡ ወጽድቅ፡ ላዕሌከ፡ ጎደረ፡ ወጽድቁ፡ ለርእሰ፡
 መዋዕል፡ ኢየጎደገከ፡፡
 ወይቤለኒ፡ ይጼውዕ፡ ለከ፡ ሰላመ፡ በስሙ፡ ለዓለም፡ ዘይከውን፡ እስመ፡ እምህየ፡ ወፅኦ፡
 ሰላም፡ እምፍጥረተ፡ ዓለም፡ ወከመዝ፡ ይከውን፡ ለከ፡ ለዓለም፡ ወለዓለመ፡ ዓለም፡፡
 ወኩሎ፡ ዘይከውን፡ ወየሐውር፡ ደብ፡ ፍኖትከ፡ እንዘ፡ ጽድቅ፡ ኢየጎደገከ፡ ለዓለም፡
 እስሌከ፡ ይከውን፡ ማኅደሮሙ፡ ወምስሌከ፡ ክፍሎሙ፡ ወእምኔከ፡ ኢይትሌለዩ፡ ለዓለም፡
 ወለዓለመ፡ ዓለም፡፡
 ወከመዝ፡ ይከውን፡ ኑኅ፡ መዋዕል፡ እስለ፡ ውእቱ፡ ወልደ፡ እንለ፡ እመሕያው፡ ወሰላም፡
 ይከውን፡ ለጸድቃን፡ ወፍኖቱ፡ ርቱዕ፡ ለጸድቃን፡ በስመ፡ እግዚአ፡ መናፍስት፡ ለዓለመ፡
 ዓለም፡፡